


EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

DS
75.4
.7
S5
1738
V. 8



硃批諭旨

李維鈞奏摺

硃批李維鈞奏摺

雍正元年五月初六日直隸巡撫臣李維鈞謹

奏爲清查通省虧空據實奏

聞事竊查錢糧關乎

國帑稍有虧缺例應查叅勒限追補仰荷

聖恩高厚特頒

諭旨凡有虧空無論已未叅出三年之內務期如數補
足等因欽遵在案臣到任後令各道府將從前虧空
清查開報去後除宣化府屬多徵本色其地丁條
銀甚少不開外計八府屬虧缺共銀四十一萬三

千餘兩伏思以上虧缺雖由前督距趙弘燮所致

特蒙

聖諭著原署撫臣趙之垣代為完補但臣受命前撫空
此議不合倘趙之垣不能通完如趙世顯之子張安世
恩深重何敢不圖彌補少報涓埃現今將通省各項陋
李繼謨等革職離任之員儘可追查彌補若向現任各
官設法賠補之舉斷斷不可
自省將來之虧空自絕卽已往之虧空計州縣歲

間事之所餘積累填補臣能於二年內督令清完至原
署撫臣趙之垣俟有完補銀兩另行奏請

聖裁外臣謹具摺陳明謹日直隸巡撫臣李繼謨謹

奏

州縣官令少從容不慮窘乏方可責其盡心撫字少有
餘資亦可自爲地方興利之舉何可勒令爲他人補苴
虧缺耶

奏 雍正元年五月初七日直隸巡撫臣李維鈞謹

奏爲

奏明事竊查臣衙門向有親丁名色動支臣標營馬
兵三十五名餉米馬乾銀每年共一千四百餘兩

望恩臣蒙

皇上深恩復荷

聖訓日凜冰淵之懼一切舊規悉已革除而於營汛尤

殊批諭旨

二

李維鈞

聖臨嚴虛冒今臣親丁不過數人何敢踵襲虛造虛支
皇上自蹈欺罔上負

聖恩已將馬兵三十五名缺額選拔驗補以實軍伍並

咨明戶兵二部在案理合據實共一千四百餘兩

奏明伏祈

睿鑒謹

奏

革除隨丁名色以實軍伍固屬善舉但恐爾等大吏過
於窘乏或致費用不敷酌量爲之所屬境內無論遠近
一有雨澤卽行奏聞

雍正元年五月十三日直隸巡撫臣李維鈞謹

奏爲恭報雨澤事竊據各屬陸續具報得雨日期前來查順天府屬之武清河間府屬之交河慶雲廣平府屬之成安宣化府屬之宣化萬全等縣於五月初二三等日得雨二三寸不等保定府屬之蠡縣博野束鹿正定府屬之安平武強武邑晉州等州縣於五月初八九十等日得雨一寸五六分及二寸餘不等大名府屬之元城魏縣大名開州濬縣長垣清豐南樂東明等州縣於五月初二三等日得雨三四寸餘不等滑縣得雨七八寸內黃縣

得雨四五寸其餘各屬俟報到另行奏
聞再查正定府屬之井陘一縣歷歲歉收雨澤愆期夏
收無望獲鹿一縣地半平行稍有四五分收成臣
仰體

皇上愛養元元至意已於守道庫內借銀三千兩發井

此舉是

陘縣銀二千兩獲鹿縣銀一千兩各設廠煮賑務
使窮黎得所至於借動庫銀設法補還之說著實斟酌朕甚不取臣自設法補還蒙

皇上發回臣奏摺跪讀

硃批內有所屬境內無論遠近一有雨澤卽行奏聞欽

此仰見

皇上勤求民瘼無逸居心萬方生計無時不上厪
聖懷所有得雨之處臣謹繕摺奏

聞謹

奏

雖得微雨尚未霑足內外一體專誠懇禱庶望

天心下應甘霖大沛也

雍正元年五月十四日直隸巡撫臣李維鈞謹

奏爲恭報二麥收成分數事竊查二麥因去秋旱乾
播種稀少今歲三月內幸得甘霖普降頗多秀實
其續種春麥入夏缺雨收成減薄茲據各道府將

二麥收成分數陸續呈報前來查順天府屬收成
內窪地及有水可灌之地約有八分至五分不等
高地約有四五分不等永平府屬收成內有窪地
及有水可灌之地約有七八分不等高地約有四
五分不等河間府屬收成內窪地及有水可灌之
地約有八分至六分不等高地約有四五分不等
正定順德二府屬收成內窪地及有水可灌之地
約有八分至五分不等高地約有四五分不等廣
平大名二府屬內窪地及有水可灌之地約有七
分至五分不等高地約有三四分不等宣化府屬

收成內窪地及有水可灌之地約有六七分不等
高地約有四五分不等所有二麥收成分數理合
具摺奏

聞謹

奏

覽奏已悉麥秋獲此大半收成幸賴三月內之恩膏不
然朕畿內赤子將何以餬口耶

雍正元年五月十六日直隸巡撫臣李維鈞謹

奏爲奏

聞事竊查直屬內莊頭以及大戶有勢力者從前半皆

硃批諭旨

五

李維鈞

開事 强橫不法流毒肆虐人人側目自
皇上御極以來各知斂跡革面革心者固已不少惟宛
平縣之鵝房莊頭索保住併子八哥姪烏允一橫
霸一方田連阡陌所招佃戶一呼千諾供其驅使
其姪烏允一莧惡尤甚酗酒毆人全無忌憚本年
五月初二日有李世英活被打死索保住與房山
縣夏村莊頭六哥原係至戚交好更密互爲犄角
朋比作奸六哥家富勢大男女混雜彈唱演劇耍
拳弄棒以前窩頓響賊近則各處開礦開窯以致
宣化府士民罷市現在查明另疏具

題所有莊頭索保住等豪橫擾害之處臣訪查得實
不敢容隱謹具密摺恭

奏以

聞伏祈

睿鑒謹

奏

爾既奏聞且靜聽勿使彰著將此數人卽諭內務府拏
解交爾同法敏嚴審究擬毋得瞻徇情面此二人之家
產俱不下數十萬之富所以敢於驕縱現存者清查隱
匿者搜追並其爪牙黨惡擾害百姓者卽於此案內一

併推究審出勿使漏網以示懲創以舒暢小民怨抑之
氣但此輩向日專以鑽營結納爲事與內廷勢要無有
不交接往來者爾斷不可游移軟懦倘遇難以推却之
處直告之曰上意指示何敢少寬特諭

雍正元年五月十八日直隸巡撫臣李維鈞等密
奏爲訪拏勢惡以除民害事臣等到任後卽密加訪
查有房山縣居住之李信父子併宛平縣居住之
索保住父子及姪烏允一素性淫虐驕侈僭妄受
害人民皆懼伊勢力豪富雖百般受害無敢控告
者此等之人一日不除則地方生民俱不安枕謹

將伊等惡蹟臚列密以奏

聞一李信父子於房山縣地方聚集數百人違禁獨霸石行將附近居民牲口強奪拉車一房山縣礦場李信霸佔開採一年約可得銀四五萬兩伊家人于五劉二董理場務百姓稍有違拗卽非刑拷打一李信強佔宛平縣良民于文龍之媳王氏并房山縣陳鐵匠弟婦三兒爲妾一重息放債折算百姓房產若有不能完者卽將妻室子女勒買爲奴一於房山縣張房等處開印子舖重息殃民本村人王重元管事一索保住父子招集佃戶一呼千

諾逞奸作惡無所不爲稍不遂意卽指令抄毆橫
霸一方一廣放私債違禁取利如不能完威逼半
價準產勒買其妻女一索保住父子濟惡又聯結
李信父子朋比爲奸勢大莫制被害畏懼無敢告
訴一烏允一恃勢妄爲酗酒肆毒於本年五月初
二日有李世英活被打死一李信父子併索保住
及其子姪倚恃百萬財產肆行不法出入行走輒
帶刀鎗隨從五六十人由此觀之伊等驕侈僭妄

其歟

蹟尚恐不止於此誠然一羣惡棍也

威勢薰燄久懾人心所行惡事甚多若不嚴加拏
問斷不能盡得其實但拏問地方惡棍務須審擬

具

題伏乞

據爾前奏已早降諭旨矣但恐先有知覺隱匿搬運亦
皇上將李信父子併索保住及其子姪嚴飭查拏發臣
未可定現存者已著管理內務府大人嚴查封固交與
併巡道法敏嚴審定擬將應納錢糧應入官之項
爾等其或先事隱匿者亦當審訊追究
追出一面將伊家產查明封鎖勿使隱匿搬運爲

此密行陳明謹

奏

知道了人犯解到時一一逐款研審確情奏聞

同日又

奏爲再報雨澤以慰

硃批諭旨

八

李維鈞

聖懷事竊查順德府屬之沙河南和唐山任縣邢臺等
縣於五月初十日得雨二寸五分宣化府屬之西
寧縣於初九初十等日得雨四寸保定郡城於十
七日酉時起微雨至十八日午時雨尚未止入土
約有三寸此雨未足尚在祈求伏念

皇上宵旰殷懷望雨甚切臣謹將各屬續報得雨日期
及保定郡城得雨情形先行遵

旨繕摺奏

聞謹

奏

覽奏殊慰朕之憂懷京城於十九日薄暮亦得大雨真
可爲內外同慶也

雍正元年六月十七日直隸巡撫臣李維鈞謹

奏爲改就武職以圖報効事據正定府同知石禮哈

呈爲竊禮哈年四十歲正白旗人由歲貢捐納同

知選授今職復遵西安駝例捐陞副使道深念祖

孫父子兄弟世受

國恩豈可虛糜歲月不思圖報伏查成例康熙六十

年間川陝總督年羹堯將同知武正安

題授永寧副將雍正元年湖廣總督楊宗仁將廣州

左衛守備范宗堯
題授漢陽縣知縣此文武互用有例可援禮哈情願

改就武職以効犬馬之報特懇摺

奏等情到

臣臣

查正定府同知石禮哈卽係河南撫

臣石文焯之子年力正壯騎射頗嫻情願以文改

武援照武正安等改補之例呈請摺

奏欽惟我

皇上用人無方不限資格倘蒙

俞允將石禮哈所捐副使道之銜改用武職查正定協

副將王弘基告休員缺請卽以石禮哈改授則整

勸操練就近可覘厥效仰請
皇上准令引

見詢察之下應否改調伏候

聖裁抑臣更有請者石禮哈如蒙

恩准改授出缺查保定府蠡縣知縣浦文焯慈祥廉潔
才具優長若以之陞補正定府同知則分猷佐治
必能弭盜安民雖以知縣

題同知與例不符但臣爲地方緊要人材難得故冒
昧

奏請仰祈

睿鑒謹

奏

准爾所請著石禮哈來京引見宜文宜武朕觀其才質
再定將此摺封固交與石禮哈帶來

雍正元年六月二十二日直隸巡撫臣李維鈞謹
奏爲遵

旨具奏事雍正元年六月二十一日准兵部咨爲欽奉
上諭事內閣交出監察御史覺羅莫禮博等條奏二摺
咨交到臣臣欽遵拆閱內奉

硃批交臣察議具奏欽此臣查得請嚴私稅之禁等事

摺內土棍吳三勾串旗人鄭四借山主抽分名色
併致傷人命之處前據遷安縣詳報已批令巡道
飭審招解在案至立號私抽現在飛飭該道府州
縣嚴禁密拏俟查明確實另疏具

奏外其敬陳愚悃等事一摺臣議得薊州知州趙松
聲名原屬平常遵化州知州毛德琦辦差洵爲軟
弱誠如臺臣所

簡奏但趙松於差務頗稱幹練毛德琦官守亦能謹飭
皇上是以未遽指叅今臺臣以薊遵二州接近

陵寢差使絡繹必得才幹有守之員方能辦理無悞應如

所請仰祈
皇上於卓異薦舉人員內
簡選補放實於地方大有裨益倘蒙
勅臣於通省州縣中酌量調補容臣慎擇

題請至趙松毛德琦二員應否從寬作何調補恭請
聖裁謹

奏

薊州遵化二缺爾於屬員中揀擇人地相宜者具題調
補趙松毛德琦如能改絃易轍奮勉上進則已倘仍委
靡不振卽嚴加叅處示懲

雍正元年六月二十三日直隸巡撫臣李維鈞謹
奏爲奏

聞事竊永定河工臣於汎水未發之先卽嚴飭河員加
開事意防護在案今於六月二十三日據南岸分司雅
思海呈報本月二十一二等日河水陡長洶湧異
常將郭家務大堤漫坍四十餘丈等情前來臣隨
卽檄發銀兩飛委中軍官朱文華等前往漫坍工
所協幫分司同知勒限作速堵築堅固具報併查
明有無民舍田廬漫坍丈尺確數到日另摺具
奏外所有漫坍堤工緣由臣謹具摺先行奏

聞謹按河津暨世畏工籍由工部具詳奏

奏即行照辦合因工部具詳奏

此皆平日漫不經心臨汛失於防護以致堤工坍塌實屬怠玩亟當嚴察叅奏以戒將來

雍正元年六月二十五日直隸巡撫臣李維鈞謹

奏爲奏呈將本月二十一二十二等日河內縣屬

聞事竊臣將直屬得雨情形歷次三日上奏

奏明臣又差人四處確查九府所屬州縣俱已透足

在在秋禾茂盛據土人僉云七月初旬再得一雨

大慰朕懷

便有十分收成皆我三日直隸巡撫臣李維鈞

皇上至誠昭格所致惟廣平府屬之永年邯鄲雞澤曲周廣平肥鄉成安等七縣得雨稍遲臣隨委冀州知州魏定國等星馳會同地方官借給倉糧銀兩及時補種今據各縣稟稱西成大有可望所有直屬秋禾情形臣謹查明具

奏至雨澤已足此後不敢繁敘以瀆

是

宸聽臣前在守道任內於通省積弊知之甚悉自面聆聖訓於四月初九日回署將弊端之尤甚者力行革除

其餘小者去之太驟或恐利此累彼尚須次第釐舉錯得宜則人心服此爲政之要道也然舉直百姓知正至於各屬官員自

感尚須時日錯枉則立可暢快民心屬員中有不治輿
情者題去之保定府知府馬兆辰等之後皆知改悔自新臣
庸劣復論以舉行卓異之姑容
殊恩重加勗勵俱有學為好官之志如直隸耗羨較他
省原輕今令照舊徵收道府州縣量留養廉而以
其餘彌補已往之虧空俟趙之垣名下各項清楚
之日另請

聖裁臣恪遵

聖訓勉力奉行以圖吏治民風日歸醇正倉儲

國賦實在充盈但材識短淺時懼隕越謹將微臣到

任所行事宜一併奏

聞謹

奏

所奏俱悉畿甸之內旗民雜處向日所在旗人暴橫小民受累地方官雖知之莫敢誰何朕所稔悉爾當奮勉整飭不必避忌旗漢冰炭之形迹不可畏懼王公勲戚之評論卽皇莊內但有不安分擾害地方者一人亦毋得姑容皆密奏以聞朕自有處置爾之取重及見輕於朕正在此等處與法斂同心協力將此習俗務須矯正改革方不負朕委任之意也勉之

雍正元年六月二十九日直隸巡撫臣李維鈞謹

奏爲奏明事竊臣遵

旨察議薊州知州趙松遵化州知州毛德琦經臣繕摺

具

奏蒙

皇上硃批薊州遵化二缺爾於屬員中揀擇人地相宜者具題調補趙松毛德琦如能改絃易轍奮勉上進則已倘仍委靡不振卽嚴加叅處示懲欽此臣卽應選擇

題請因准部咨八月十八日恭遇

大行皇太后梓宮至陵薊遵二州實爲差務重大今爲日

皇二十已迫若遴選不自抗轉是並為總令限外報新朕
皇題補候次此凡諸報無誤實列示
旨赴任輾轉需時恐諉卸遲悞況新任之員於地方未
能熟悉猝辦大差終慮疎畧今臣再選委二員與
趙松毛德琦協同辦理自必無悞俟差竣日容臣
慎擇賢員另疏益具

題補理合
奏明伏祈
皇上睿鑒謹
奏

所請是此選委二員果能克勤克慎事無遲悞卽以調
補二州正屬人地相宜何必又另爲選擇也

雍正元年七月十二日直隸巡撫臣李維鈞謹

奏爲奏明事竊查直屬丁銀偏累窮民若攤入田糧
內實與貧民有益臣現在具

題請

旨但有力之家皆非所樂或有阻遏其請者況部中止
冒昧知成例不肯變通必議不准仰祈
皇上乾斷允臣所請則無地貧民永戴

皇仁而州縣徵收亦自此較易臣爲縣令州牧時確知

其弊曾在山東江西四川行之皆善故敢剴切
題請若推之他省則利民無窮伏祈

睿鑒謹

奏
此事尚可少緩更張成例似宜於豐年暇豫民安物阜
之時以便熟講利弊期盡善盡美之效今既經題奏候
部議到時朕再酌定

雍正元年七月十七日直隸巡撫臣李維鈞謹

奏爲欽奉

上諭事竊河南山東由水路來直販賣麥穀數目部議

土儲行令查明按月奏水穀來直販賣麥穗幾日陪齋
聞奉

旨依議欽遵在案今據守道桑成鼎呈稱雍正元年六
月分查無豫省來直糧石止有山東自水路北來
又自海運至津麥豆芝蔴高糧共四千七百六十
三石等因具報前來臣謹繕摺恭奏以

聞臣前於奏雨摺內有土人僉云若七月初旬再得一
雨便有十分收成之語今於七月初七日至初八
日果又大雨滂沱早晚田禾咸獲豐收農民歡慶
理合一併奏東山西四川等處皆善姑續陳

聞恭慰對實朕朕衣大官縣益而朕朕員中朝賦親
聖懷謹願舉卓異人員內

奏

今歲秋成似無煩爾之章奏遙慰朕懷矣惟當以手加
額共爲慶幸更相黽勉而已不但畿甸以內卽山東山
西河南數省之天年實咸出於望外此皆爾等封疆諸
臣仰體朕任用之意竭誠盡力於地方以故感召

天和並

皇考聖靈垂祐之所致耳朕心歡暢筆不能罄

再爾所奏解餉腳價一項經部駁追凡如此等不合案

件今怡親王現在留心釐正此人剛方公正一派天理良心深明大義朕想此事卽不論部伊自必有料理之道摺留覽

賜爾鮮荔支一罐可少分賜與桑成鼎法敏二人

雍正元年七月二十日直隸巡撫臣李維鈞謹

奏爲監司務在得人仰請

聖裁簡補事竊查霸昌道員缺內拱

京畿外扼邊口必得賢員方勝屏障之任仰祈

皇上於薦舉卓異人員內

特簡補放實於地方大有裨益而臣於屬員中時加廉

訪若河間府知府張紹賢才猷頗達操守亦潔允
愜輿情洵稱良吏我

皇人用人無方倘蒙

勅令引

見詢察之下可否

簡用伏候

聖裁臣叨荷重寄到任以來所薦舉調補之道府同知
皆荷

特旨允准何敢屢爲瀆請但因地方起見人才難得謹
舉所知伏祈

睿鑒謹

奏

知府之任刑名錢穀爲其專責較之道員更屬緊要張
紹賢宜仍留河間供職霸昌道員缺朕爲爾酌簡一能
員補用

雍正元年七月二十二日直隸巡撫臣李維鈞謹

奏爲恭謝

天恩事竊臣猥以庸材叨茲重寄仰蒙

知遇疊荷

恩施茲於七月十七日蒙

皇上賜臣鮮荔支一罐到保臣隨出郊跪迎至署望闕叩頭謝

恩祇受訖臣欽遵

聖諭分頒守道桑成鼎巡道法敏各叨

異數卽於臣署望北叩謝

天恩外臣謹繕摺恭謝

天恩伏祈

睿鑒謹

奏

覽卿奏謝知道了脚價一事面詢怡親王據奏此事向

來部臣之不准銷原不合情理臣部正欲將此事請旨
李維鈞所奏甚是今將五十九六十年分者仍照前駁
回統候六十一年奏銷案內將從前各年分者一並題
奏云云怡親王又奏

陵上有一項官兵錢糧滿兵准銷綠旗不准亦甚不合於
理果有此事否具摺奏覆

雍正元年七月三十日直隸巡撫臣李維鈞謹
奏爲察訪勢惡害民密行奏

聞事竊直屬豪橫不法之大戶莊頭臣密訪寶坻縣住
居之焦姓莊頭兄弟濟惡不在李信之下焦國棟

焦國璧等分住城鄉各肆橫霸田土千餘頃當舖
店房各處開張受害人民畏勢吞聲此等豪惡若
不剪除則地方之受累無窮謹將伊等惡蹟臚列
密以奏

聞一焦國棟姦淫家人妻女衆家人情急將國棟綑綁
廳堂該縣并守備親至其家好言安撫解放一打
死家人劉進台賄買屍親不行呈報一打死家人
崔之林之婦將屍拋在河內一隱瞞壯丁女子桂
姐爲妾一焦國璧強姦家人萬六之婦不從自縊
又將萬六打死一打死壯丁常柱李三一打死夥

計孔儻子一喂養鷄鶩糧食奉

旨恩赦國壁指稱使費打點派大糧莊頭三百餘家共

計銀二萬餘兩一私立集場一包攬民人張海宇

強姦僱工人之婦不從打死命案得賄銀八百餘

兩一包攬民人王二打死僱工人張姓命案得賄

銀數百兩以上各款俱經密訪得實必嚴加拏問

始暢民情但伊等住非一處其田產當舖又散在

各邑伏祈

皇上密交臣同巡道法敏遴擇幹員分委查拏封鎖庶

無隱匿搬運之虞爲此密行奏

聞謹

奏

除暴安良爾分所當爲類此等事宜極力振作更勿慮
朕以多事見責倉場甚屬緊要目下漕務正殷料理需
人已將法敏陞用矣今以常德壽補授巡道此人不在
法敏之下俟伊到來卽將此事一面題叅一面嚴拏各
犯並將家產封鎖絲毫毋得瞻徇疎縱如六哥等一例
嚴審追擬特諭

雍正元年九月二十四日直隸巡撫臣李維鈞謹
奏爲奏

聞事竊查大名一協地接兩省兼三郡之營汛統轄之
員尤宜善於撫綏今署事之叅將劉可德於八月
初八日抵任並不拊循亦不訓練惟向各營汛需
索規禮又私役兵丁買辦一任侵蝕短價賒欠擾
累行戶以致兵民交口怨騰臣念該副將任事伊
始或可改悔臣一面嚴加訓飭令其自新倘將來
怙終不悛卽當特疏

題叅臣蒙

皇上面諭凡應叅之員不可因特放之人少有瞻徇故
不敢知而不言伏祈

睿鑒謹

奏

原係一介武夫當嚴加誡飭不能改過自新卽行題叅若不實心悛改亦不可姑容

雍正元年九月二十八日直隸巡撫臣李維鈞謹奏爲恭請

聖裁事竊直隸巡道爲通省刑名總匯事繁任重今巡道常德壽已丁母憂除另疏

題報外伏查常德壽斷獄明晰爲人亦復和平似此賢員若竟離任深爲可惜可否

特頒諭旨准其在任守制如未荷
俞允臣屬員中惟通永道高鑛廉明謹慎臣知之最久

倘蒙

簡補於刑名必能清理臣冒昧具奏恭候

皇上聖裁謹

奏

常德壽准其留任至於高鑛當再加試驗其人朕殊不
深信也密之

雍正元年十月十五日直隸巡撫臣李維鈞謹

奏爲恭報瑞雪及時事竊今二麥在地正賴冬雪及

時來春土膏滋潤茲保定郡城於十月十四日天
降大雪隨落隨消據清苑縣查報入地五寸且觀
是日雲氣甚廣得雪必寬俟各屬報到另行彙
奏外所有保定郡城得雪緣由理合具摺陳明謹

奏

冬令之雪消蝗潤麥洵稱瑞應我君臣惟互相勗勉以
恭迓

天庥不因瑞雪及時遂爾逸豫怠忽則一誠上格自必歲
歲年年永承
彼蒼之垂佑也

按地輸丁原屬優恤窮民之善意但直隸江浙等處田地多名爲有地而其實無租稅可收者其故大畧有四從來置產之家多係鄉紳富戶其棄田之人賄通置田家人將高下錯雜一槩指爲美產往往以九畝作十畝或以九畝五六分作十畝當其富饒之時無從細察亦并不覺有代爲納糧之累及至家業漸貧必鬻其實畧在八九分之產而此一二分之虛地虛糧無從推去不得不照戶納課此有地無租之一也再向日置產之時原係高下錯雜今則急而求售

不得不盡鬻其高者而獨留其下此下地所入
十年九空偶有收成僅足完一年之糧不足賠
九年之累此有地無租之二也再有一種棄產
之人原因一時急用希圖日後取贖故趙甲之
田賣與錢乙而戶名不卽改換趙甲收錢乙之
糧爲之代完久之究竟無力取贖傳及子孫戶
名仍在而趙甲遂爲無田有戶不得不照戶納
糧此有地無租之三也又有一種棄產之人原
係出入衙門窮困無賴或係武舉劣衿身倚護
符旣已棄產仍復希圖包納於中取利然其利

止於一時而其累及於子孫遂有年代久遠無
從推收過戶趙甲之家有不得不爲錢乙每歲
納糧者此有地無租之四也至於直隸之順天
保定河間永平宣化五府多有圈佔之地其所
撥補大約遠隔數百里不等而地畝半屬窪下
每年除完糧之外所餘無幾應令該撫查明直
屬地畝分爲上中下三則其上則中則按其多
寡攤入丁銀至於下則及有地無租之人並與
清查免其一體均攤務期糧歸實在有田之人
不得私相影射如此則無地窮民與有地無租

之窮民均不致有賠累之苦矣

前因九卿議內有無地窮民賠糧之語朕深怪之業諭照爾所請施行今九卿內有數人密奏一摺辨明此語看來似覺有理爾可再爲詳悉規畫務與國課無損窮黎有益懸之象魏無可譏評方合琴瑟不和解而更張之之義設爾前說或少有利此累彼不便之處慎毋固執已見不妨密以奏聞另爲商酌莫負朕獨斷專任之意也勉之密之特諭

雍正元年十月十六日直隸巡撫臣李維鈞謹

奏爲酌議按地輸丁之法恭請

聖裁事臣伏查密奏內有地無租四條如所云虛地虛糧江浙地窄人稠畝無足數以九分作一畝從無丈實分數之例至於直隸多有以二三畝作一畝者其地皆有浮餘九卿虛糧之說未實也又如所云所鬻之產盡鬻其高獨留其下或不免於賠累然直隸下產每畝亦值兩許或值數錢非不可鬻之產九卿下田賠糧之說未實也再如所云趙甲賣與錢乙戶名不改收糧代完此弊在在有之但代完之人歲向得地之家催索糧銀如一年不出不難推收改戶安有無地有戶無從推收之累且

聖鑒臣止因直隸無地窮丁起見而北五府丁浮於地
尤爲苦累故條

奏攤丁未嘗議請通行各省九卿牽入江浙等省甚
不相涉惟所云直隸之順天保定河間永平宣化
五府地多圈佔其所撥補半屬窪下完糧之外所
餘無幾誠如九卿所慮而臣亦計之再三北五府
地少丁多難就本州縣之丁銀攤入本州縣地糧
之內自當籌度盡善以蘇民困今接准部咨將丁
銀均攤地糧之內事關更定賦役作何均攤徵收
之處令臣造冊具

題等因奉

旨依議欽此欽遵臣查直隸通屬地糧共二百零三萬四千七百兩有奇丁銀共四十二萬零八百兩有奇統爲核算將此四十二萬零八百兩之丁銀均攤於二百零三萬四千七百餘兩地糧之內仍照上中下三則之田各計其納糧輕重之數而分攤其丁銀永無偏累之患所有現在無地窮民生生世世感戴

皇恩於無旣矣臣謹陳末議可否如是仰祈

聖裁批示遵行謹

奏

朕因九卿所議四條內或恐有爾想不到處故發來著爾再加熟計今覽爾此奏分析甚明籌度極當實可准行卽遵旨悉心料理具本覆奏可也

雍正元年十一月初一日直隸巡撫臣李維鈞謹奏爲謹瀝下情仰祈

睿鑒事竊臣一介孤踪九年守道今茲撫直心切報

主權勢嫌怨皆不顧避如糾叅李麟業張鵬飛及奏請按地輸丁盡與時宜不合至劉可德虐兵厲民雖經嚴飭仍不悛改於所轄殷實馬兵每圖需索以

致衆兵積怨於初四日夜皆會集
關帝廟要繳盔甲經大名府知府吳允謨勸止朱姓
馬兵忽放百總羣傳受賄從張家口帶去馬匹散
給五營兵弁每匹收價銀十五兩又奴使兵丁各
懷憤恨幸蒙

聖明調回兵民無不感悅惟劉可德以臣糾叅肆有後
言必圖報復然臣重沐

殊恩卽肝腦塗地尚所不恤况以直結怨豈肯少自畏
縮自此以後當益矢公忠斷不瞻徇情面貽悞地
方臣雖一無所恃而受

知獨深已不爲孤立是以謹瀝下情仰祈
皇上察臣之愚終始
矜全臣之感荷
聖恩生世以之矣謹
奏
朕當年卽是孤臣並無恃援此心自有
上蒼鑒察但祇驀直做去坦然勿慮若信不得自己卽信
不得朕矣朕之耳目豈易爲人熒惑耶

同日又

奏爲奏明事竊照天津關稅據代理關務長蘆鹽運

奏使段如蕙稟稱康熙六十一年九月二十八日起
至雍正元年九月二十七日止應餘正額贏餘銅
筋水脚等銀共八萬二千九百七十兩有奇又各
項雜費銀五千八百一十八兩今四季徵收過稅
銀統計現虧缺二萬三千兩又據稟稱願甘賠補
臣思津關稅銀雖有缺額何至虧缺二萬三千兩
之多明有徵多報少之弊當喚經手官役將各關
口所徵稅銀逐一分析開單實收過八萬四千兩
皇上就正額贏餘銅筋雜費通行算入僅虧缺銀四千
兩臣隨傳同守巡道面詰如蕙惟

有引過認完竊念如蕙匿其實徵捏作虧缺本應
題叅但已悔悟願甘清完臣仰體

皇上用人無求備至意故未卽指叅然臣不敢不據實
奏明爲此繕摺謹

奏

念段如蕙平日官聲頗好准爾所奏免其處分不然似
此欺隱情弊何可姑寬爾之據實奏聞可嘉請寬叅劾
亦是

雍正元年十一月初九日直隸巡撫臣李維鈞謹
奏爲

聖恩高厚感戴彌深事竊臣具摺瀝陳下情蒙

皇上硃批勗勉

天恩指示周詳古稱

爾果能視國家如腹心朕何忍不視爾如手足我君臣

君之視臣如腹心從無逾此畧堂廉之大分加顧復之

共相勗勉追跡明良喜起之盛豈不偉哉朕生平立心

深情非常

從不負人

隆寵何異家人父子臣跪讀之下感激涕零惟矢血誠

以冀少答

主知於萬一臣夙守硜介歷任多年與王公大人一無

交接而與怡親王亦未嘗謁見今秋進京臣詣

闕廷得奉怡親王面詢攤丁臣遂悉心以對嗣扈從

聖駕東行一路往返於

宮門外時承怡親王諭問臣心雖感而於私第終不敢往來通問今蒙

諭旨凡有爲難不便奏聞小事密使人同王商酌欽此

臣敢不謹密自後倘遇有爲難不便奏

聞之小事敬使人啟怡親王商酌遵行伏祈

睿鑒謹

奏

如許年來卽怡親王亦係孤介自持之人從不與人交接而爲多事務名之舉朕昔在藩邸與諸兄弟除公處

相見之外並不曾私結恩好以圖彼此倚仗自經大事
後朕卽位以來見伊真實赤心許國深明大義而且公
正和平目能識人誠有人之有技若已有之之品量如
此等爲國竭忠之王大臣彼此敬重互爲勸勉以期報
効朝廷斯乃有益之事朕所樂聞況爾旣奉朕諭旨不
必疑畏將來爾或改易操行王或更變初心彼時則任
從爾等之便也朕惟願內外諸臣相欽相惜同心合德
共懋公忠普天率土和氣盈溢不願羣工妬賢嫉能彼
此陷害也朕因念爾孤介寒儒今膺重寄恐偶遇掣肘
不能自達之處故有前諭朕若於怡親王少有疑惑王

若非實心重爾朕亦無此一諭也坦然放心遵旨而行

雍正元年十一月十五日直隸巡撫臣李維鈞謹
奏爲要地需才謹舉所知恭請

聖裁簡補事竊查口北地方西接大同北聯沙漠是以
建設道員以資彈壓且兵馬錢糧專司支放地甚
要而責甚重也原任口北道董思凝病故員缺查
順德府知府范弘偲自到任以來操守頗潔辦事
亦勤臣從前面

奏曾經具摺保薦順德一郡縣少事簡易於敷治未
盡厥長若以范弘偲補授口北道實於邊塞大有

裨益如蒙

俞允其順德府知府員缺查正順河漳河同知曾逢聖
才守俱優亦經臣具摺保薦今三年俸滿業已保
題應陞倘以之補授順德府知府則銜缺相當而人
才亦可收實效矣以上二員可否補用恭候
聖明裁奪謹

奏

范弘偲素履拘謹恐非倜儻肆應才也

雍正元年十一月二十九日直隸巡撫臣李維鈞

謹

奏爲奏明事竊查本年十月內接准內務府咨開奉
旨莊頭內有在地方爲惡者著地方官卽具報內務府
爾等查問教訓如不悛改卽行革退將此交與直隸
巡撫凡有上三旗之州縣通行曉諭欽此臣隨行巡
道飛飭州縣通行曉諭並加意確訪各莊頭自巨
惡李信等奉

旨查拏之後莫不兢兢守法洗心改過如豐潤縣居住
望縣莊頭陳扇墜子向實奸邪今則聞風斂迹灤州居
住莊頭李著伯並其族兄李萬扶等從前恃富肆
橫今則不惟改惡自新且將地土租糧當舖利息

各減一分遇有貧難者義讓樂與現今旗民相安

咸頌

聖德感化所致查李著伯等既能改過遷善似應寬其
果能懷改固應容其自新但恐秉性難移耳仍不時留
心訪察如少蹈前轍立刻叅處不可稍有姑息之念朕
必永斷此惡習而後已全在爾地方大吏奉行公嚴毋
皇上敬奉
得始勤終怠

天時勤求民瘼是以年穀順成米價日賤查大名廣平二

府屬米價每石八錢正定順德二府屬每石九錢

畿輔

民生

尤厯

朕懷

覽爾

所奏

何快

如之

及一兩

不等

北五府屬每石一兩及一兩一錢不

等年豐人樂實有熙熙皞皞之風謹繕摺併奏以

聞謹

奏

覽

雍正二年正月十九日直隸巡撫臣李維鈞謹

奏爲奏明事竊各處莊頭已知改悔如有怙終不悛
立即究叅經臣摺

奏奉

硃批果能悛改固應容其自新但恐秉性難移耳仍不
時留心訪察如少蹈前轍立刻叅處不可稍存姑息
之念朕必永斷此惡習而後已全在爾地方大吏奉

行公嚴毋得始勤終怠欽此臣益加確訪通行密查
今據天津道年裕詳稱住居靜海縣之鑲黃旗花
子佐領下莊頭李大權不知斂迹仍肆橫行誘取
有夫之婦女十餘人窩藏在家恣行姦佔橫勒嫖
錢種種惡蹟實干法紀非僅報內務府所可查問
訓改者將李大權已經拘到相應詳明等情到臣

臣隨批令巡道常德壽嚴審定擬外先行繕摺

理應叅處者

奏明再直屬地方自去冬十一月至今雨雪雖少然

臣徧行查詢地氣潮濕麥苗漸長若二月內得滋

潤雨澤麥秋卽獲豐收矣理合一併奏

聞謹

奏

朕在此正爾顒望雨雪期與爾共竭誠悃以祈

天賚各省俱蒙

天地神祇眷佑咸報雨雪應時惟畿輔近地微覺缺少不知何以致此要當返躬痛切修省耳

同日又

奏爲奏明事竊照直屬虧空臣請於二年內彌補當

經具摺

奏明今查各屬皆在陸續完補惟祁州知州鮑錚玉

硃批諭旨

三

李維鈞

奏田縣知縣張星烱將雍正元年錢糧任意虧缺而
祁州又虧空康熙六十年六十一年錢糧米穀臣
現在另疏

題叅如將虧缺之項能於限內完補應請

聖恩寬免治罪倘不能完嚴審定擬以昭法紀庶倉庫
錢糧不致虛懸矣謹

奏

不惟法所當然於情於理亦應如是此等劣員豈可一
日姑容具疏題叅可也

雍正二年正月二十七日直隸巡撫臣李維鈞謹

奏爲恭懇

聖恩簡員發用以收實效事竊念吏治實關民生而欲

清吏治莫若試可而後用仰懇

皇上於候補候選人員內

特簡二十員發臣臣於公務之餘與論治道曉之以土
俗民情勗之以清慎勤敏并遇事差委以試其才
如果才能出衆有緊要員缺臣卽具

題請補其才具少次者亦酌量繁簡請補若醇謹有
餘而地方之任力不能勝者臣謹咨回吏部以閒
散職員補用則於地方大有裨益矣臣不揣冒昧

瀆請仰祈

皇上睿鑒謹

奏

直隸咫尺京師無懸缺久待之慮且不比山西之大爲
更革此說不可行卽遠省揀發人員亦不過暫時權宜
止一二次而已非爲常例也爾將一省屬員內量才器
使通融調補不妨隨時摺奏以聞

雍正二年二月十三日直隸巡撫臣李維鈞謹

奏爲欽奉

上諭事竊臣准戶部咨開奉

旨行文直隸各省督撫凡遇有公事奏請捐俸工之處
著永行停止欽此伏念官俸役食原不應有捐輸之
名失其養贍之實卽因公願捐亦出臣下急公之
誼而動輒

奏請非所以崇尚政體今永行停止仰見我

皇上端本澄源至意臣查直屬修築太行堤工經前督

臣趙弘燮

題明暫動道庫銀兩以通省俸工自康熙六十一年
起分作五年捐還又截漕運貯廣大二府腳價亦
經

題明動借庫項俟俸工有餘捐還各在案若竟行停
止則此項庫銀深慮還補無術且直屬公務較繁
於他省臣愚以爲正雜佐貳中凡係窮員苦役悉
予支領以資養贍此外俸工將前借庫項按年捐
還以後遇有公事地方大吏捐資料理倘力不能
辦必賴衆擎易舉此係臣下職分當然其
奏請捐俸工之處永行停止則

國帑實而政體崇公事濟而臣職修矣是否可採伏

睿鑒謹

奏

此事爾當自行斟酌可否朕不便代爾立準繩也

同日又

奏爲奏明事竊查永定河同知全寶因伊父陶錦虧空解任賠補業准部提起解矣昨准侍郎臣牛鈕欲以全寶留任賠補會同

題請臣以同知職司河務在任賠補必致有虧河帑陶錦之子何可保留此等無理之奏爾卽會題朕亦斷不允行也故不敢有所徇而冒昧請留隨經咨覆在案直屬雨雪稀少上厪

宸衷臣總賴

親詣四鄉查看幸土甚潮濕麥根滋潤鄉民僉

硃批諭旨

三

李維鈞

上

蒼慈佑豈敢逆料其必然必不然耶惟當敬修人事以

聽

天耳

麥咸茂百穀可播理合陳明謹

奏

覽

雍正二年二月二十日直隸巡撫臣李維鈞謹

奏為奏

聞事竊臣准宣化鎮臣許國桂咨稱修造沙城指定處

所並築堤護城繕摺

奏明緣由到

臣臣思修造沙城所需丁匠夫役皆係

民人武職衙門恐有呼應不靈且人眾易於生事

必須多委文職官員協助庶克有濟今臣飛委口
北道范弘偁在宣化及沙城兩處往來稽查又委
宣化同知滿雲鵬居住沙城專司查察又念時值
三春東作方殷若赴工所或失本業盡令力耕又
悞城工俾田功城堤兩無貽悞方爲妥協臣擬於
三月初十後親詣沙城同鎮臣酌議料理并查勘
宣化府城工河道會同商妥另行奏明合先具

奏仰祈

睿鑒謹

奏

派委已屬妥協修造之事工料備而已矣矧董役者原
有人范弘偲許國桂儘可從容辦理爾不必親往勘視
亦無庸更委大員也

同日又

缺工所設會同商妥民戶奏明合共具

奏爲奏明事竊照大名郡城徐秀勾盜一案查徐秀
向充大名協標兵丁因守備楊世威將伊革退懷
恨勾結羽黨以圖報復於康熙六十一年十月十
八日夜潛入副將楊天祚之署楊天祚猝不及覺
被其擁至楊世威署內家人潘斌出禦被殺世威
得以幸免相持至於次日楊天祚乘間奪刀將徐

秀砍倒守備袁士魁賈勇擊賊盡數被獲陸續瘐
斃者十有五名臣於抵任後查此案之釁原起於
天恩楊世威卽欲

題叅第慮悍卒益增驕氣故於疎防案內附叅革職
惟是徐秀等於是夜上盜實共止一十八人若一
推求恐致株害無辜故就現獲審理照盜案定擬
今准刑部咨駁復飭嚴審臣復提解親訊明白已
經

題覆仰祈

聖明乾斷結案不使部臣再行駁查則現犯免於拖延

硃批諭旨

三九

李維鈞

聖明而無辜不致牽累矣謹

奏

此非朕可乾斷之事公然於郡城之內明火執械將副將刦去而云止盜止十八九人揆之理勢實屬不符朕亦不將此意諭部憑伊等秉公議覆朕但依議而行耳

雍正二年三月十二日直隸巡撫臣李維鈞謹

奏爲恭謝

天恩併報微臣回署日期事竊臣恭遇

聖駕謁

陵於三月初二日自保起程於初五日上

朝請
安蒙將
御製喜雨詩賜臣跪誦仰見
聖德凝承

天心格應而
睿思濬哲

寶翰輝煌自古帝王詩章書法未有如我
皇上之超神入化者也隨荷

召見蒙將

御前珍饌

殊批諭旨

罕

李維鈞

特恩賜與初六日扈
蹕至烟郊奉

旨地方事務緊要巡撫回去料理欽此臣於初七日兩

宣入朝

行宮奏對之次

皇上念

聖祖付託之重孝思彌篤勉臣下公忠之義

恩浹益深又蒙

賜御馬一匹天閑良驥非比尋常且日蒙

恩賜克食臣不知何修而止荷
主眷以至於此也初八日臣於三河縣地方跪送
聖駕卽刻起程於十一日已回臣署伏念臣疊荷
恩施至優至渥

寵逾其分心益若驚雖勉竭駑駘而才力短淺何能仰
報

高深於萬一所有微臣感謝

天恩併回署日期理合一併奏

聞謹

奏

於爾回任後卽接閱大將軍年羹堯西海捷報兼雨後
晴明風和日麗陌不揚塵十一日

陵祭告竣卽日旋蹕於十三日還宮一路如意覽卿奏謝
知道了特諭

同日又

奏爲恭報雨澤事竊直屬地方入春以後麥田需雨
甚殷蒙我

皇上至仁育物軫念民依於二月二十六日

登

虔禱於黑龍潭三月初三日卽得甘霖廣沛今據順永
保河正順廣大宣九府屬各報初三日得雨八九

寸及五六寸不等在在俱已透足惟良鄉永清文
安密雲寶坻遷安交河阜城天津新樂井陘元氏
寧晉南和平鄉永年邯鄲赤城十八州縣得雨三
四寸不等地土已潤麥苗長發農民遍野雷動歡
呼莫不感頌我

皇上敬

天勤民至誠感召之所致也所有各府屬得雨緣由臣謹

繕摺奏

聞謹

奏

硃批諭旨

聖

李維鈞

此日之甘霖不止畿內優渥山西陝西山東河南江南
所報皆同均得透足真可謂

天恩浩蕩也喜何可言皆爾等封疆大吏仰體朕懷實心
爲國愛民感召之所致也朕不勝欣幸之至我君臣惟
當愈加敬謹將此兢業之誠對越

上帝以邀永永之錫嘏耳

雍正二年三月二十三日直隸巡撫臣李維鈞謹

奏爲奏明事竊臣猥以庸愚仰蒙十八

皇上洪恩逾格夙夜兢惕誓圖報効所有微臣行過事
宜如虧空地丁銀四十二萬餘兩已補十分之四

攤免丁銀合計二百萬戶盡沐

皇恩道府廳州縣賢者薦用不肖者叅革貪殘之習漸

除徵收火耗直隸素輕於他省北五府納糧一兩

火耗

止有耗銀七八分至一錢不等今令州縣照常徵

收南四府納糧一兩耗銀一錢至一錢四五分不

火耗固累民之事自當酌量均平而爲之

等今已量減二三分部撥兵餉州縣起批解府由

知府驗封索規禮銀每兩加二分其兵餉仍令州

縣自解司餉各道衙門歲爲州縣之累今令州縣

解貯府庫由府彙解各道州縣得免費用需索若

派修衙署新官到任鋪墊物件及里下分買驛遞

豆草派民守城捕役坐坊紅寄莊黑寄莊種種爲

此等

擾民

煩苛之弊

亟宜嚴禁

此隱

漏一

弊清查頗難

害地方俱經嚴行禁革各屬地畝有水衝沙壓者

確查請豁開墾隱漏者通查首報弭盜除窩飭兵

深中肯綮

役里甲同心稽查協力擒拏聽斷詞訟飭行速結

不許挨限沉捺一有延累輕則記過重則叅處是

皆臣志在必行不敢始勤而終怠也而臣於武備

應當

勤爲

察訪

尤加意察訪營弊之大者莫如生兵虛兵馬步兵

募補未久借端革退復募新兵必有賄囑方收入

皇恩

伍是謂生兵革退之兵不卽開除曠時召募遲日

此二者

乃天下之通弊

冊報侵蝕曠糧謂之虛兵臣深知此二弊嚴飭將

非如是不能滌除尤須不時加意
身爲大吏舉動不宜輕忽帶數人親至各營考驗查究至保
臣擬於暇時隨帶數人親至各營考驗查究至保

定府城內三營盛甲旗幟已粗購備飭令營將勤

加操演臣每月分作三日親閱弓馬鎗箭示以賞

罰羣相鼓勵甚好各處墩臺亦現在修整且墩臺相望

近或二三里遠亦不過五里不似晉省遠隔十里

適中爲是何必增置似無庸添置增置舖司專遞文書每月止給工食銀

五錢以養家口若令學習武藝恐亦終屬虛名臣

照晉省添設汛房每一汛派馬兵二名步兵三名

今蓋屋十間令汛兵挈眷同居不許輪流更替則

擇善而從天下督撫皆當如此留心擴而充之何慮吏
兵與民情意浹洽彼此照顧如有人材不堪疎防
治不肅民生不遂耶
懶惰者卽行革退另補惟順河永宣墩臺汛守皆

屬鎮臣管轄臣雖一面移會轉飭遵照或恐陽奉

陰違仰祈

皇上聖鑒敕行到臣仍不時稽察如有奉行不力者密奏
以聞

謹矣再村莊失事甚屬可虞查村莊四圍皆無關
閉所以盜竊任意出入今擬於大村莊外圍之以

實係甚有益之事但須預爲陳說利害使庸愚灼知有
門蓋守門屋一間輪流看守遇警羣起擁守門口
益踴躍樂從亦必俟秋成以後方可行之斷不宜強迫
庶盜竊技無所施漸次消弭其築牆之法按戶出

卽於兩三年內完成亦不爲遲也

工貧乏者令富民每日給糧一升亦易爲力然須

俟八九月後農隙時酌可爲而爲之目下之計先

此一頭目殊難其人須擇平素爲衆所推服者方可委

之董率尤宜飭地方官不時稽查其行止必令勿致生

事方好其差徭仍取連環保結如能驅盜擒盜分別優賞

如有失事各加杖責或亦息盜之小法也保定省

此美舉也深得古人列樹表道之意朕現刊論一道尚

未頒發爾奏恰與朕不約而同今先賜爾一良鄉起南至河

行直隸各省前於途間見道傍新栽雅柳朕意必爾之

百餘萬株十年之後條幹長成皆可伐取以充公

所使也

用并行路之人可免酷熱其利無窮凡此皆臣分
內應行之事何敢縷陳以瀆

聖聽但臣愚拙立志甚篤恐行之未當繕摺奏

聞伏祈

睿鑒謹

奏

在他人朕猶聽其言而觀其行在汝朕聽其言而信其
行所奏俱爲合宜但當徐徐次第爲之耳

雍正二年四月初六日直隸巡撫臣李維鈞謹

奏爲奏明事竊臣伏讀

上諭廣種植以盡地力重本計以厚民生誠治天下之

要務臣欽奉祇遵務必實心奉行無庸刊刷候部并刊刷多張遍

頒發與爾

示吏民羣相勉勵以上副我

皇上惠養元元至意臣官直隸年久深知民性多情不

北地

人民原有苟且偷安之習

肯盡力南畝輟耕而嬉草萊不薙比比有之今保

介田畯雖無專官而臣竊計可倣而行之茲選委

霸州知州遂選廣平府通判張禹錫先往保河正

順廣大六府地方率同州縣官親往各鄉詢民疾

苦勸民耕作貧者借以牛種惰者予以責懲必於

農事少有裨益并令二員相度地勢可以興水利

硃批諭旨

吳

李維鈞

保薦

之處繪圖共商次第議行如於六府農桑水利著

以示鼓勵甚是

有效驗

臣當從實保薦謹具摺陳明伏祈

皇上訓示遵行謹

奏

所奏知道了

前者大興令高純嘏一案在汝原可寬恕朕意降汝一級
惟此輕罰嗣後嚴飭屬員更覺有詞人亦難以深刻
之名加汝係朕有心而爲之也

雍正二年四月初九日直隸巡撫臣李維鈞謹

奏爲續報雨澤事竊查直屬地方於三月初三日已

望霽得甘霖大沛茲於四月初二日保定郡城并附近
奏州縣復得雨澤業於

奏明事摺內附

奏在案今據各屬陸續呈報如河間府屬之鹽山等
九州縣於初二日得雨三四寸不等滄州等五州
縣得雨一二寸不等正定府屬之武邑等十二州
縣於初二日至初三日得雨四五寸不等饒陽等
七州縣得雨一二寸不等順德府屬之邢臺等四
縣得雨二三寸不等唐山等四縣得雨一二寸不
等廣平府屬之威縣清河二縣於初二日至初三

日得雨霑足永年等七縣得雨三四寸不等大名
府屬之元城等十一州縣於初二日至初三日得
雨四五寸不等保定府屬之祁州束鹿博野深澤
四州縣於初二日得雨一二寸不等其餘各府屬
州縣內僅得微雨者不敢繁敘上瀆
宸聰臣查此番雨澤於霑足之後又得膏澤普施二麥
益加暢茂秋禾已播者漸皆長發農民樂業預必
豐盈理合陳

奏以慰

聖懷謹

奏

初十日都中已得透雨遠近霑洽朕感戴

天恩篤厚不勝慶幸之至書曰天視自我民視天聽自我民聽爾能仰體朕意使畿甸黎元各得其所人和默契夫

天和所以致斯膏澤也觀一氣之相感有如立竿見影我君臣可不益凜冰淵更加黽勉乎

雍正二年四月十三日直隸巡撫臣李維鈞謹

奏爲奏

聞事竊查去歲天津截留漕米囤貯日期經臣

硃批諭旨

吳

李維鈞

奏明在案今准兵部右侍郎臣李紱咨稱於二月二十一日自京起程赴津督運京通二倉交納等因臣卽檄守道桑成鼎并令飛調去歲截留漕米原經手各官赴津協同料理轉運去後茲據桑成鼎呈報已於二月二十五日僱募船隻開囤發運起至四月初六日止運過米共四十一萬三千五百五十五石零俱陸續轉運全完再上年臣飭令桑成鼎隨帶銀八千兩以備動用當經臣具摺

奏明查截留入囤以及剝運京通一切腳費等項原於各旗丁僱剝等項銀錢動用惟席囤葦柴幫添

扛價賞看守米囤兵丁等項於守道隨帶銀內共
用銀三千餘兩此臣下所當稍効微力者也臣謹
一併

奏明伏祈

皇上睿鑒謹

奏

李紱於督運一事之効力處實屬可嘉據伊回奏云此
番在事之大小文武官弁無不踴躍趨赴實力奉行朕
聞之不勝嘉悅此皆爾督率得法鼓勵勸教之所致天
下事咸能如此則胡禁不止曷令不行耶

硃批諭旨

四九

李維鈞

奏爲恭謝

天恩事竊照大興縣高純嘏一案臣實有失察之愆部

臣照例議降一級乃蒙

皇上恩諭優容體恤臣跪讀之下置身無地嗣後當嚴

皇上飭屬員共矢公忠仰報萬一謹此

奏謝茲於四月初十日保定郡城得雨雖不甚大然

同雲密布沾被必廣俟各屬報到另行彙奏外合

併陳明謹

奏

初十日都中得雨透足今歲光景

上天似有降福之兆朕實欣幸之至餘奏俱悉

雍正二年四月十九日直隸巡撫臣李維鈞謹

奏為奏明事竊查各屬雨澤大名廣平二府各已霑

足永宣正順河五府於初二初十等日兩次得雨

猶未透足保定府屬待澤尤殷臣現在祈禱春麥

秋禾正望甘霖之大沛也各汛添設營房俱已興

工約計一月內即可告竣鄉村周築土牆臣遵

果能如此第一美

諭旨遍示通曉預為開導訪之輿論僉云此法得行可

以永無盜患臣於秋後必力行告成也玉田縣還

硃批諭旨

五

李維鈞

鄉河故道淤塞堤壩衝決旗民之地淹沒三四千

頃今查勘明白委官疏濬築立堤壩告竣之日另

繪圖奏

聞宣化府同知滿雲鵬係奉

旨交若能悔悟非下愚不移者此猶可器使之材也臣試看之員臣欽遵試看復嚴加訓飭今查滿雲

鵬能自悔悟頗守官箴所有該員居官尚好可以

奏留任之處理合奏

聞再霸昌道湯之旭服官雖無敗檢才力甚覺短淺書

生迂見議論難行行政體未達復查其關防不謹縱

令家人於所屬州縣需索擾累霸昌道缺關係緊

朕用伊爲霸昌道時曾降諭與爾此人才具平常知道
要湯之旭實未能勝任倘蒙調以閒曹猶堪供職
了俟選擇得人另有諭旨
其員缺仰懇

皇上另簡賢員補用庶於地方有益伏祈

睿鑒謹

奏

覽

雍正二年四月二十三日直隸巡撫臣李維鈞謹

奏爲奏

聞事竊保定府屬待雨甚殷前於

奏明事摺內仰荷

硃批諭旨

至

李維鈞

硃批連日燠熱光景應有大雨欽此臣捧讀之下知

聖德上格自必雨澤立沛果卽於二十二日甘霖廣沛

至二十三日大雨滂沱四野透足麥田秋種皆可

滿收書大有而紀屢豐皆我

皇上誠敬感召之所致也除各屬報到另摺彙

奏外所有得雨透足緣由合先奏

聞恭慰

聖懷謹

奏

真屬可喜可幸之事易曰二人同心其利斷金我君臣

同心肫切爲萬姓祈禱蒙
上蒼垂憫沛然普賜甘霖朕與爾此番之幸喜實非他人
所能喻也

雍正二年閏四月十五日直隸巡撫臣李維鈞謹
奏爲恭請

聖安并申微悃事臣自三月初八日跪辭回署孺慕依
戀日切於懷臣謹繕摺恭請

聖躬萬安伏念我

皇上萬幾稍暇勤觀書史探求治道兼之

睿藻日新

硃批諭旨

至三

李維鈞

宸翰流輝一字一句實爲千古楷模臣謹備筆墨數物

冀充

尚方之御伏懇

睿慈納臣愚悃再查九府麥秋九分十分者居十之七

望文八七分八分者居十之二三俟報齊另

奏順德府所屬之邢臺南和平鄉三縣建閘開溝已

得水利可灌地三千餘頃工完之日將村莊地畝

繪圖恭呈

御覽豫東兩省蝗蝻發生大名廣平順德三府州縣與

豫東連界者屢報有蝻子幸所委文武及地方各

官巡撲勤密已減十之八九全未爲害數日內餘孽可盡合併奏

聞謹

奏

朕祇知山東河南江南數州縣生發蝗蝻正爾憂慮不謂直隸亦有今幸已撲滅覽奏中全未爲害之語深愜朕懷但恐遺有餘孽亟宜選委幹員督捕盡絕此係數省連界之地互相推諉之弊不可不慮當嚴飭屬員各專其責況愚民習惰偷安未必樂從全在地方官勤敏不懈勸導鼓舞齊心盡力爲之方克有濟也

硃批諭旨

三

李維鈞

臣見沿途修造營房令兵丁永遠住居於民實
惠其責有裨益但奉行必以實心善政庶乎可久如山
東地方多用磚瓦自然堅固至直隸各墩皆係
土房易至傾圯將來兵丁恐不免遷徙廢弛之
虞且臣聞州縣將此工程交鄉長地方料理有
每間發銀一兩五錢者有發銀二兩四錢者有
先於民間派取木料人夫俟落成之後給銀者
是奉行不善不惟誤公反以累民也

有一人條奏營房一事朕疑其有心誣陷及至問爾聲
名彼又盛稱爾之清公勤慎所以將此奏發來爾看至

於土房之說只可如此而已山東因修葢營房擾累地方前已特諭新撫陳世倌矣爾查通省屬員中或有奉行不善者亦未可定須嚴加訓飭再者宣化一帶不宜於沙石之地種植樹木聞地方官皆勒令百姓栽種民間甚以爲苦當留心察詢又聞獻縣知縣范時珍火耗取至加四未知確否細加體訪實則卽行叅劾不實亦另爲奏聞

雍正二年閏四月二十五日直隸巡撫臣李維鈞

謹

奏爲奏覆事竊臣於本月二十三日敬啓

硃批諭旨

五十四

李維鈞

批回摺子內發條奏一摺蒙

皇上硃批有人條奏內論及汛房一事朕疑其有心誣陷及至問爾聲名彼又盛稱爾之清公勤慎所以將此奏發來爾看臣恭讀至此不禁感極涕零伏查各汛至汛添設營房每間需工料銀四兩臣幫發銀一半間其嚴飭不許派擾其木料等物均係價買惟人夫工食量給錢米臣思力役之征自古有之添設營房亦不原以衛民卽有小勞亦不爲礙至北地土房歲加修補亦有二三十年之久若蓋瓦房則費用浩繁不無擾累蒙

諭土房之說只可如此而已

聖明洞鑒無微不照臣恐屬員之中或有奉行不善謹
遵

聖諭再行嚴飭至宣化地方地多沙石原難種植今春

插柳臣卽諭地方官不必勉強臣今遵

旨當再飭地方官相度土宜而行勿強民所不能爲以

副我

皇上惠養黎元至意獻縣知縣范時珍居官平常近復
此人聲名甚不堪過往多人如出一口本到時朕另有
患病臣因其無甚敗檢已諭令告休至徵收火耗

旨
北五府僅有加一卽南府亦不過一錢四五分加

硃批諭旨

五

李維鈞

四火耗非特直省無之卽他省亦無此重耗欽奉

諭旨下詢理合一併奏

聞伏祈

睿鑒謹

所奏俱悉

奏爲恭報約計二麥收成分數事竊今歲

畿輔地方雨暘時若現今二麥在在秀實漸可登場

備土臣通行確查茲據各道府將約收分數呈報前來

查順天永平三府屬約有九分至六分不等保定
河間二府屬約有十分至八分不等正定府屬約
有十分至七分不等順德府屬約有九分至七分
不等廣平大名二府屬約有十分九分不等宣化
府屬約有八分至五分不等臣查今歲二麥處處
豐登惟順天永平宣化三府屬山阜沙磧之區者
間有五六分現在麥價頓賤無不含哺鼓腹感頌
皇上仁恩所有各屬報到二麥收成分數謹繕摺恭奏
以

聞伏祈

硃批諭旨

奏

李維鈞

睿鑒謹

奏

聞南四府令歲麥秋確有十分收成數十年來所僅見者閱爾此奏北五府分數似覺少過今正望雨甚殷大內現在立壇祈禱朕觀直省民風惟顧目前苟安率皆忽於蓄積當飭地方有司通行勸教趁此豐年樽節食用省無益之費寧使少有存留以爲來年接濟州縣良吏若肯殷勤提命家諭戶曉幸值年歲屢登則耕耨餘三耕三餘九之隆何難再見於斯世耶

雍正二年五月初一日直隸巡撫臣李維鈞謹

奏爲奏報事竊今歲

畿輔地方仰賴

聖主福庇雨暘時若二麥豐收經臣將約收分數查明
奏報今麥已登場秋田正需雨澤於閏四月二十八
日自未時起至酉時止得雨甚密農民歡忻咸云
秋禾已種者勃然茂盛凡收過麥地俱可以種晚
稼且濃雲似墨得雨必廣今據清苑縣查報得雨
入土五寸除各屬報到另行彙

奏外所有保定郡城得雨緣由臣謹繕摺恭
奏以慰

聖懷謹懇

奏伏以雨澤時宜時雨絲由引藹蘇朕恭

京都左近三十八日雖亦得雨未透於初一日雨至初二日早方十分霑足朕深爲忻慶況夏至日有事於雨

方澤朕親詣行禮向蒙

高天之恩今復叨

厚地之德也惟默感

篤祐益加凜惕耳特諭

雍正二年五月初五日直隸巡撫臣李維鈞謹

奏爲續報雨澤事竊照保定郡城於閏四月二十八

日得雨情形經臣具摺奏

聞今據各屬陸續呈報查順天府屬之東安等七州縣
已得雨霑足霸州等十六州縣各得雨三四五寸
不等保定府屬之祁州等十二州縣各得雨四五
寸不等新城等三州縣已得雨霑足河間府屬之
任邱縣天津衛已得雨霑足滄州等十二州縣各
得雨二三寸不等正定府屬之定州等八州縣各
得雨三四寸不等順德府屬之內邱縣宣化府屬
之懷來縣各得雨二三寸不等正在

奏報間保定郡城於五月初三日又得雨三寸甚爲

奏及時小民歡慶臣查各屬自四月以來屢得雨潤
我鄭來緹各縣雨二三寸不穀五五

皇上念切民依猶於等風雨風之內相繼宜升風
大內設壇祈禱今甘霖疊沛四野均沾皆我
皇上誠敬感召成此豐年之象也臣謹將各屬續報得
雨及保定府又得雨澤緣由繕摺陳明謹

奏

連降時雨大約霑被寬廣朕憂歲之心已釋雨澤分數
此後可不必頻頻奏報矣

雍正二年五月十七日直隸巡撫臣李維鈞謹

聖奏爲恭謝

天恩事竊五月初三日臣進摺人回蒙

皇上賜臣香袋七箇荷包二箇鱗魚五尾恭齎到保臣

出郊跪迎至署恭設香案望

闕叩頭謝

恩祇受訖伏念臣材識疎淺毫無寸効乃蒙

皇上格外賞賚疊加

恩賜臣何人斯頻邀

異數涓埃莫報感激滋深惟有益加砥礪以仰答

皇恩於萬一耳再玉田縣還鄉河歲淹旗民田地臣仰

硃批諭旨

堯

李維鈞

皇恩體萬一其再正田濕銀縣河蘇蘇城及田濕銀縣
皇上軫念民依至意發銀委員疏濬修築河防各地戶
嚴禁捐輸以清獎源甚是
俱願按畝輸錢五文以助厥工已嚴飭禁止在案
工務如此速竣朕實嘉之
皇上查工程亦計日可以告成理合一併奏
聞謹

覽卿奏謝知道了
署恭頌香案望

雍正二年六月十二日直隸巡撫臣李維鈞謹

奏為保留良吏恭請
聖裁事竊順德府邢臺縣知縣戴天球自蒞任以來廉

聖裁事竊順德府邢臺縣知縣戴天球自蒞任以來廉

以服官儉以持已催科撫字折獄勸農皆以實心

大奇而行實政且濬渠灌地已及千頃臣現在令其再

時因行相度泉源廣開水利今戴天球於本年五月二

十四日報丁母憂除另疏

思伊何可臨民遇便察明優劣酌量革黜況係貪官戴

錦之題報外但念該縣令勤慎廉明實屬循良之吏聽其

離任深為可惜臣仰體

皇上察吏安民至意謹繕摺瀆請可否

必加以謬舉之罪爾今如此保薦諒必實有可觀若因

准令在任守制恭候

聖裁倘蒙

允臣所請俾要地得留賢員庶於吏治民生均有裨益

硃批諭旨

卒

李維鈞

睿鑒謹

朕覽奏不禁大笑驚訝人之不可限量有如是乎若果
係真實奮勉學做好官具本題留可也

奏爲奏

聞事竊邪教潛滋愚民易惑臣欽奉
硃批諭旨遵卽於南四府地方飭令道府加意密訪今
據順德府知府曾逢聖密訪邢臺縣之中巖寨有

劉大師傅等倡名順天教聚衆講法煽惑鄉愚當
移行通判胡開京等密拏大會首劉言基卽劉大
師傅到案供出羽黨要國卿等并山主馬征等復
經密拏審訊明白呈報到臣臣細閱各供查此教
始於劉言基之曾祖劉才運與要國卿等之祖昔
年同入中巖寨託稱修行持齋起會倡爲順天教
名色沿及言基仍爲大會首幻稱真空老祖金公
無生佛母黃婆塑像供奉每年三十兩月聚衆燒
香斂取銀錢書符消災誑誘愚民雖非白蓮教之
遺派實係邪教男婦混雜有壞風俗自應按律嚴

治以罪但劉言基等皆係鄉農因祖代相繼恬不
爲怪其志蓋在圖取香錢以爲衣食之資故久假
不歸今各知悔悟情願改邪歸正似可從寬分別
枷責開其自新之路應否如是臣未敢擅便理合

奏

既非創起邪教理應如是完結結後不時察訪果實心
聞恭候

改悔則已倘若執迷復循故轍再加以重懲未爲晚也
聖裁其中嚴寨祠宇及附近中嚴寨之太子嚴亦有廟

宇爲劉言基等所管今俱已拆燬起獲符像亦盡
不累及無辜最爲善政

焚棄以絕根株並未株連一人至山林空僻地方
復嚴飭守備千把等弁盡心稽查勿使匪類潛藏

再知府曾逢聖才具素優開濬水利灌田三千餘
蝗蝻滅盡與否未經奏明朕尚懸懸在念當速為奏聞
頃各處蝻子生發督捕盡絕毫不為害今劉言基
等邪教首先訪實拏獲解散尤為強幹之才洵係
賢良之吏臣謹一併奏

聞伏祈

睿鑒謹

奏

曾逢聖聲名好如緊要處遇有應陞缺出具本題奏

同日又

奏為奏

聞事雍正二年六月十二日據通永道高鑛呈報通州

武清縣二處運河椿土各工原係侍郎臣牛鈕領帑辦修與地方官一無相涉但今大雨時行河水

驟長武清縣屬運河東西兩岸河西務棋子淀等

處俱各漫開皆因向修堤岸類多單薄虛鬆朽裂

拆陷所致理合報明等因到臣查運道關係重大

臣一面飛飭高鑛親赴驗看各堤衝決若干丈尺

有無損壞村莊田禾俟查覆到日另摺具

奏所有武清縣運河堤岸衝漫情由理合先行奏

聞伏祈

睿鑒謹

奏

牛鈕所修工程朕謂斷不至如高鑛所報之甚伊受恩深重諒非木石何忍如此負朕今歲雨水原係異常之大所以致有衝決但伊秉性生平與人不睦每每招尤惹怨而旗人憾伊者更多因此堤岸衝決欲乘機以傾陷之耳爾於人言不可深信其爲人猶屬直率頗稱歷練加之訓教尚可委用非棄材也

同日又

奏爲奏明事竊照永定河堤岸關係綦重蒙

皇上發帑培修

遣員巡查誠防護水汛永衛民生之至計也身其事者

自當仰體

聖心潔已辦公以上副

任使下濟工程今永定河權移勢分分司蘇敏事事掣

木爾泰原因爾保奏留工今既於事無益掣回可也但

不知蘇敏辦事能否若何耳工五次其費俱出河工錢糧之內再河工舊例由

分司同知公估工料發銀與管工各官分修如有

錢糧既不分發各官則木爾泰巡察一次所費三四百

金出自何項從何得知大凡一面之詞仍宜詳審所以
錢糧六萬七千五百餘兩並不分發各官盡用侍

古人云聽言當以理察也

郎臣牛鈕河西務夫頭領銀辦理運土一方止給

土方止給銀五分此數其所節省者仍歸公項抑或作為羨

銀五分七分不等管工各員既無承辦之責將來

餘人已密訪確實奏聞

或有不虞飭令賠修似屬寬抑河工重大臣竊憂

朕如此信任委用於爾一切秉公執正何事不可言何

嫌而不盡言耶

奏明伏祈

皇上睿鑒謹

奏

覽

雍正二年六月二十二日直隸巡撫臣李維鈞謹
奏為奏覆事竊臣查武清縣屬之河西務等處運河

硃批諭旨

左

李維鈞

奏兩岸據通永道高鑛呈報衝漫甚多臣念漕運重大而村莊田禾又關民命身任封疆何敢不據報

奏

即有嫌隙汝亦豈肯因私廢公朕信得及汝

聞而臣與兵部侍郎牛鈕初無嫌隙也臣於去年會同

牛鈕查看永定河堤岸時伊子木爾泰亦相酌議

因彼有巡查之責一切工料若不令其會估則日

後巡查不無異議是以繕摺

奏請令木爾泰會同分司蘇敏料估在臣之愚衷原

冀其同心協力固堤岸而省錢糧也至荷

硃批錢糧既不分發巡察一次三四百金出自何處臣

捧讀至此仰見

朕於政務從來不憚細密非過爲搜求也

皇上睿照靡遺此言原出河員之口臣未曾審詳詰詢實爲愚昧今當逐細確查并將節省爲公入已之處密訪明白另摺奏

聞再邢臺丁憂知縣戴天球邢邑賑濟得法民頗得所范弘偲陞任時向臣力薦今知府曾逢聖亦極嘉獎近因丁憂復據守道桑成鼎詳請

題留臣亦廉訪其政聲頗好故不揣冒昧瀆

奏初不知其爲

皇上藩邸舊人臣再當採其政蹟確實遵

旨具本

題留再永定河石堤蟄陷並未開口民田廬舍毫無
傷損直屬順天府之豐潤縣永平府之灤州保定
府之清苑等五州縣河間府之故城縣正定府之
冀州等四州縣順德府之邢臺等七縣廣平府之
開再永年等七縣大名府之元城等四縣俱報有蝗蝻
雖隨報撲滅全不爲害然臣恐地氣蒸濕或有餘
孽或有飛蝗嚴飭文武官弁不時竭力巡查大約
過六月便可保其不復生發五月以後每隔旬日
卽得時雨田禾茂盛合併奏

聞謹

奏

田禾茂盛大慰朕懷聞蝗蝻又有新發者亟宜嚴飭地方官務令滅盡而後已

雍正二年六月二十三日直隸巡撫臣李維鈞謹
奏爲奏明事竊吏治固重廉潔然有守無才則治理
無術事多叢脞臣凡於屬員不敢求備然必期其
人地相宜以免貽誤如河間府之吳橋縣知縣常
三樂據知府浦文焯稟稱吳邑頗爲衝要有修防
催漕之責常三樂操守尚好但懦弱不振難膺民

社之寄請

題調補守道桑成鼎亦稟稱常三樂儒不任事臣以
操守未濫不叅其廢職而以教職吳謝繼職繼常
題請補用部議內稱常三樂係引並未闡然必陳其
見奉

旨補授之員並未令巡撫試看等語伏念選補各官皆
蒙引

見補授若必奉
旨試看而後可以察叅則非試看之員卽不可以糾彈
乎部臣又以生性懦弱必有廢弛實跡駁臣並未

亦不開欵查列欵糾叅必應提審擬罪而懦弱非有罪
之員矧常三樂係
題請調補尤非叅劾可比何庸列欵至

大計以廉爲首部臣之議誠是但非一廉卽可以膺
卓薦必有才以濟之而後堪膺民社之任在常三
樂操守廉潔臣不敢掩其所長而才具平庸臣亦
何敢隱其所短今吏部所議似屬有意搜駁臣不
揣冒昧謹具摺

奏明伏祈

睿鑒謹

奏

似此披誠分割絲毫無隱朕實嘉之朕閱部本時曾經再三斟酌因汝原題內有操守好一句部議若但取才而不取守恐人皆不尚廉潔所駁得理朕故依議前有刑部一事吏部此議不過作一不阿從朕意之舉朕若再爲正之恐廷臣謂朕有意袒護汝也此事亦甚易處常三樂如果罷軟汝但據實叅奏於本內聲明前因伊原無貪蹟所以題請改補敎職今奉部駁查常三樂居官罷軟殊屬溺職相應叅革如此具題庶不貽悞地方亦不失爾寬貸屬員之意也

奏 雍正二年七月初四日直隸巡撫臣李維鈞謹

皇奏爲奏明事竊臣欽遵面奉

聖諭試看得保定府知府葛斗南品行實好而才非肆

應誠如

聖明洞鑒然勵志服官克自振拔且秉性和平全不執
果能如是朕爲卿慶得臂指之用矣觀伊頗具正氣當
更加勗勉以成全之
信故保定雖稱劇郡亦可無悞治理也直隸今歲

朕之欣幸實難形之於筆墨
秋收大有從來所未見將來南四府收成查詢土
人僉云有十分以外北五府收成亦有八九分不

等雖近河之處間被淹損亦屬無多臣已現在委

硃批諭旨

矣

李維鈞

查賑恤自各得所再臣前奏團練之法因值農忙
各勤力作無地之民傭工餬口臣故緩而未行今
盜風漸息秋收之後督築圍牆以爲永遠之計則
鄉兵似亦未爲要務也至於口北道范弘偲持已
是頗廉但性情稍乖與同城之總兵知府甚不和協
朕亦聞之隨已降諭訓飭矣爾其再加諄切教導
公事難辦臣今細爲開導曲爲訓飭倘能知改猶
屬賢員臣謹繕摺

奏明伏祈

皇上睿鑒謹

奏

覽

雍正二年七月十六日直隸巡撫臣李維鈞謹

奏爲奏明事竊查驛站夫役馬匹二項應增應減之處准部咨行妥議臣查直隸爲萬國會歸之區所設驛站差使絡繹較之他省衝繁實甚夫役萬不可減而馬匹亦祇可少爲調劑也如夫役一項自應如九卿所議照額募足但平時工食盡給與額設之夫一旦大差疊至額夫不敷應用臣酌將額設之夫每於十名內常時募足八名扣留二名工食每日所積便足大差僱募之資庶錢糧不致侵

冒夫不累而差不悞水驛亦令比照此例至於馬
匹臣愚以爲減正驛有用之夫馬不若裁僻遞無
用之夫馬直屬九十三遞除正定縣一遞歸入正
驛青縣南皮二遞久廢外見存九十遞其損轎抄
牌跟馬等夫及接遞皂隸共約二千二百餘名此
項夫役有名無人所當盡數裁汰每年可節省銀
一萬五千兩再各遞接送公文遞馬共一千四百
八十一匹馬夫五百五十名今酌於每遞留馬十
匹共留馬九百匹共留馬夫四百五十名裁去馬
五百八十一匹馬夫一百名實節省銀一萬四千

銀六百餘兩合計裁汰僻遞夫馬二項每年共可節省銀三萬兩既可省錢糧之糜費又無虞驛站之廢弛臣謹抒末議已經分案大旨將益兼同題覆是否允協理合繕摺

奏明伏祈

睿鑒謹

奏

此事須待各省到齊發該部詳議具覆朕再加斟酌然後可定

同日又

硃批諭旨

七

李維鈞

奏爲要缺需人謹舉所知仰祈

聖裁簡用事竊照大名府接壤兩省賦繁事劇知府一
北車官必得才品優長之員方克勝任臣於通省道府

奏中細加採擇所可深信者惟河間知府浦文焯順

魯德知府曾逢聖永平知府趙國麟此三員久在

大名府一缺已將范弘偲調用其口北道之缺將錦州

聖明洞鑒之中其才品之優臣不敢瀆陳仰懇

府知府李大綬補授矣朕前歲有奉天之行因知李大

皇上於此三員內簡調一員補授大名知府於地方大有裨益兼同城之

大名道陳志源今亦因病乞休俟查驗到日卽應

題請查大名道統轄三郡缺難久懸並祈平共四道

皇上預於三員內

聞趙國麟甚好大名道缺出以之補用允屬相宜
欽點一員則要缺得人而臣亦收臂指之效矣此三員

內得蒙

聖恩允臣所請調補所遺員缺查有順德府通判胡開

京歷任年久服官勤慎實有肆應之才又保定府

理事同知齊式老成練達辦事勤敏若於此二員

內

將胡開京送部引見永平府缺候朕於齊式胡開京二
簡用補授自必殫心供職以期上報
人中斟酌一員補用
天恩謹具摺密

奏伏祈

硃批諭旨

主

李維鈞

聖明批示遵行謹

奏

雍正二年八月初六日直隸巡撫臣李維鈞謹

奏為恭請

聖裁事竊山西布政使高成齡摺報

奏火耗一事臣於邸抄中閱九卿議覆伏讀

上諭提解火耗原一時權宜之計將來虧空清理府庫

趁充裕有司皆知自好則提解自不必行火耗亦可漸

皇減矣此誠

皇上籌國是軫民依明體達用上下公私之間俱得善
全各省督撫所當遵行之良法也查直屬共虧缺
銀四十一萬三千餘兩臣亟圖彌補於通省耗羨
量留道府州縣養廉之資以其所餘期於二年內
完補清楚臣於雍正元年九月通行起至今年六
月核算完補已有二十萬兩其未完補銀二十一
萬三千餘兩計於雍正三年奏銷時可以清完俟
清完之後則火耗似宜免提然臣更有請者從前
之虧空雖完不能保後此之必無虧空必預籌彌
補之法庶

聖國帑不致虛懸臣查直省火耗較他省為最輕而順

天永平宣化三府錢糧火耗尤為輕減應槩免其

提解保定正定河間順德廣平大名趙州深州冀

聞定

州牧何瑞瀾官聲人品俱甚不堪爾等因其拖欠

官庫

銀兩暫為姑容彼向日誑騙府中之銀不思清完

今反

借此為護身之符情屬可惡況居官無狀詎可容

留亟

當嚴叅將其宦資家產追還逋欠

銀二百一十九萬六千三百二十兩有奇其耗銀

共計二十三萬二百七十一兩有奇內將耗銀六

萬兩留貯道庫以補無著虧空則帑項可免虛懸

皇上矣再將五萬兩存貯道庫以備修理城堤補葺營

房整頓營伍及種種隨時之公費一皆取之自上
則公捐之累自絕矣將二萬兩爲道府各廳養廉
之資順天永平宣化三府火耗旣不提解霸昌通
永口北三道永宣二府廳州縣聽其沿舊無庸議
給守道巡道天津道均可養廉亦無庸酌給惟大
名道及保河正順廣大六府每員應各給銀二千
兩同知通判計共十二員每員應各給銀五百兩
節儉數用則需索之弊可杜矣所餘耗銀七萬二
百七十一兩有奇給與六府五州屬之九十二州
縣衛分大中小三等大者給以一千二百兩中者

給以千兩小者給以八百兩上司之餽遺既絕通
省之公費有資上下各有養廉之項則虧空之患
可以永除矣至留補虧空及通省公費每年逐案

造冊恭呈

可以不如此 睿鑒則燭照數計不能隱匿絲毫似可永久通行者也

臣謹酌議陳請可否如是伏祈

聖訓指示遵行謹

奏

爾職爲一省之綱領凡地方上此等事總在爾酌量料
理合宜朕有何不見信之處耶

雍正二年八月初八日直隸巡撫臣李維鈞謹
奏爲恭報微臣公出日期事竊臣標屬協營臣擬於
暇時親往考驗久經

奏明今吏務少清而各營伍生兵虛兵之弊恐未盡
絕臣擬於八月初八日自保起程赴正順廣大等
處協營查驗所有微臣起程日期理合陳明謹

奏

知道了保舉武弁一摺留中報秋成分數一摺另有旨
諭部真可慶喜之事也

雍正二年九月初一日直隸巡撫臣李維鈞謹

奏爲奏二千八百一十一年直轄巡撫李瀚後
聞事竊臣往南府各協營查驗馬步兵丁惟忠順營之
虛冒爲尤甚查守備李仲銀係臣前以技勇保薦
太蒙

恩特放之員不思報効廢弛營伍臣不敢以向經保薦
少有狗隱現在繕疏

題參並將臣誤薦之咎請
此等之咎正見不狗隱處
勅部議處至一路墩臺營房俱修整堅固其守汛之兵

應撥馬兵二名步兵三名但營內馬兵有不敷分
撥者則撥步兵以補其數大路兩傍所栽柳樹正

栽種樹木難必其盡數生發一載之間卽生發十之三
四已頗有可觀矣

定府以北生發者十之六七正定府以南生發者

僅十之三四已飭地方官勸民於明春卽行補插

是

雖約

築圍墻須得兩年始有成效抑臣思巡撫二字專

以巡察撫綏爲事臣擬於每年三月九月巡查通

雖然

省民生營伍實有裨益臣出行從不用地方車馬

此番往返二十日僅費百金而已定州知州何瑞

瀾卽日嚴叅合先一併

奏覆伏祈

睿鑒謹

硃批諭旨

主

李維鈞

奏

覽

雍正二年九月初九日直隸巡撫臣李維鈞謹

奏爲特舉賢員仰祈

睿鑒事竊惟潔已奉公竭忠効力原屬臣子之常分但才守兼優者未易多得查巡道常德壽自履任以來勤於辦事自甘淡薄實爲才守兼優之員臣何敢隱匿謹具摺奏

聞仰祈

睿裁簡用惟是直隸巡道一官爲通省刑名總匯又兼

管驛務最爲繁劇臣方藉常德壽爲臂指之使倘
荷

聖恩擢任加以陞銜食俸仍留原任陞轉非惟常德壽
感激無地益勵公忠而臣亦可得臂指之用臣爲
賢才起見非敢徇私妄保伏祈

皇上睿鑒謹

奏

常德壽原好朕所稔悉因直隸巡道之任甚屬緊要所
以留伊供職不然早另用於他處矣爾此奏與朕意甚
合隨另有諭旨也

硃批諭旨

亥

李維鈞

合韻 雍正二年九月十九日直隸巡撫臣李維鈞謹

奏爲奏覆事竊查今年直屬秋收大有比戶盈寧惟
常順天府屬之霸州大城東安武清寶坻玉田梁城
秦等七州縣所夏秋雨大田禾淹損仰蒙

皇上念切民依

勅諭臣將倉糧酌量施恩賑濟毋使生民失所欽此轉

行欽遵萬姓歡呼莫不感頌

如天之仁查據守道桑成鼎勘明霸州等七州縣所被
水之處旣荷

殊恩賑濟已無艱食之虞但本年錢糧心切急公力有

未紓倘蒙格外

弘仁將雍正二年應徵錢糧緩至雍正三年麥收後帶
徵則有加無已之

殊恩萬民之感戴尤無紀極矣但應否緩徵出自

特恩臣謹據愚忱伏祈

睿鑒謹

奏

七州縣所既經被淹餬口尚且艱難未有一面賑濟又
一面催徵之理當援賑恤之旨題請緩徵可也

同日又

奏爲奏

聞事竊天津關額稅之外所有贏餘銀兩特荷

聖恩悉行裁去如有贏餘令臣據實奏

聞欽遵在案臣查鹽法道段如蕙於一年期內代理二

季零二十六日任內未經奉裁計日核算應解贏

餘銀二萬兩有奇據如蕙止報有六千二百餘兩

尚少一萬三千七百餘兩雖據稱冬季河凍貨阻

致有缺少然不應虧缺如許之甚臣恐其徵多報

少現在嚴駁查叅嗣改委通永道高鑛接管在一

年期內代理一季零六十四日若循舊例核算該

有贏餘銀一萬四千九百七十餘兩今據報有一萬七千三十兩有奇較之舊額多銀二千六十餘兩內除十日內額定贏餘銀九百七十二兩有奇係在未奉裁之先飭令仍照例解部外實存贏餘銀一萬六千五十八兩應否徑解

內庫抑令解貯道庫撥發天津建倉之用伏祈

聖裁批示遵行再據高鑛稟稱今年夏秋河水深通商船湊泊故贏餘較多臣查天津關贏餘銀兩歲有盈絀難以額定總照每歲徵收實數悉行報解至於高鑛所管二季錢糧亦能潔已奉公矢志不欺

理合奏聞
管二季驗數
本指
崇日奉
公天志
不煩
聞仰祈
縣職以
醇安縣
照給
查天
實據
悉詳
詳報
至
睿鑒謹
奏
再
此
高
鑒
稟
今
年
夏
秋
兩
水
災
商
贏餘銀兩照例送部前旨甚明高鑛殊多此一稟若仍按額定之數較量多寡則與裁去之旨復相左矣果能連年奉行盡善朕自然加恩議敘此乃有賞無罰之事但令伊據實無欺卽爲盡職也

雍正二年九月二十八日直隸巡撫臣李維鈞謹奏爲奏明事竊查玉田縣之還鄉河於康熙四十二

年間衝決被淹民田四千三十一頃旗地千有餘

頃臣仰體

皇上軫恤民瘼至意備發銀兩委武清縣知縣陳良襄

玉田縣典史李文標修築並不費民一錢勞民一

力據報稱自運河頭起至牛見莊止共計六十二

里有奇寬十一丈至三四丈不等挑挖淤沙疏濬

深濶兩岸堤埝培高添厚其莊前決口建月牙大

堤一座堤前臨水又築滾水壩一座莊南決口亦

俱下椿堵築堅固水歸故道暢流入海舊淹旗民

之地已盡數涸出今工程告竣繪圖呈送到臣臣

念還鄉河兩岸地土有淹有涸今河濬堤築自後
地盡可耕糧皆有著臣節省辦理價半工倍若循
例料估動用帑項必至萬金矣所有還鄉河修濬
工竣并確核繪圖恭呈聖覽其其前次口數民平大
御覽伏祈聖覽十一女至三四女不著其其心施
皇上睿鑒謹奏自發河匪跡至半良其共信六十二
奏王田繼典史李文懋等榮並下費另一案等另
修濬還鄉河計日成功甚屬可嘉該撫並委員陳良襄
等朕已諭部議敘矣

雍正二年十月初一日直隸巡撫臣李維鈞謹

奏爲奏

聞事竊查直屬地方自秋收之後徧播麥種已漸次生
發今於九月二十八日之晚至二十九日夜以繼
日普降甘霖訪之農民咸相慶幸預卜麥秋定獲
大有若冬深得雪必得十分收成理合奏

聞恭慰

聖懷謹

奏

明歲收成原賴今冬雨雪然爲期尚早朕何可預爲希
冀也惟我君臣敬持今歲無逸之念不敢荒寧料

硃批諭旨

全

李維鈞

上蒼必仍賜與今年之瑞應也願與卿共勉之

雍正二年十月十四日直隸巡撫臣李維鈞謹

奏爲奏明事竊天津建倉臣委河間府知府浦文焯

木植價貴從未有如今年者

望東赴道庫領銀備料興工因津通二處木少價貴委

關恭員前往永平府採買關口留阻運送稽遲至六月

七月始陸續運至工所卽飛飭浦文焯嚴督監造

今據呈報建造倉廩照通倉之式共應建連三廩

十六座因木植到遲惟恐留漕有悞併力僱工先

間建十二座於十月十二日工竣已可貯米五十萬

石尚應建四座木瓦輒灰悉已備齊但天寒將凍

應俟春融建造工竣另

奏再修築太行堤工原估銀一十三萬八千三百餘

節省

兩臣嚴飭督修各官實心辦事工竣核算實用銀

九萬六千八百餘兩節省銀四萬一千五百餘兩

臣已同河臣齊蘇勒會疏

題報在案矣臣稽之往昔伊尹耕莘之時有區田之

法收穫倍蓰臣繪成區制在保定城內賃地二畝

僱人試行之其播種灌溉尚未如法而二畝之地

已收穀十六石若無地窮民得荒廢之地數畝俾

其區種則數口之家即能養贍或歲遇旱澇仿而

硃批諭旨

全

李維鈞

行之於農功大有裨益臣等併奏冀早賜施行而
聞伏祈聖鑒謹奏
奏為外藩請發引餘銀回國請查辦內貢銀二兩

區田一說向日視為迂濶之談亦未聞有行之者觀爾
所奏收穫倍蓰則非荒唐矣此法倘能通行獲益良匪
淺鮮雖係古人成法亦爾一片為國為民之心感格神
明之所默授朕實欣悅之至俟後再有成效更為源源
奏聞此誠美政也

雍正二年十一月十三日直隸總督臣李維鈞謹

奏爲遵

旨奏覆事竊臣面奉

諭旨宋師曾虧空完日令臣一面具題一面摺奏欽此

臣查商欠虧空一案宋師曾名下應追賠補不足銀四萬七千四百九十三兩有奇勒限三年清完今據宋師曾於一年限內陸續交還守道鹽法道庫貯訖除俟守道桑成鼎鹽法道段如蕙將所交銀兩彙查詳覆另疏

題報外所有宋師曾名下應追銀兩於一年限內照數清完緣由臣謹繕摺先行奏

聞謹遵勅矣緣由引續錄附奏

奏請代迴卅宋祠曾各不輒送殿兩敘一平則內照
賠補銀兩既經清完具題可也

爲宋師曾乞恩係爾之意見抑或出於年羹堯之意見
若係爾意朕卽施恩若出於年羹堯之意朕則不施此
恩也近日年羹堯陳奏數事朕甚疑其居心不純大有
舞智弄巧潛蓄攬權之意爾之獲蒙知遇特由於朕之
賞識拔擢自初次召對時見爾藹然有愛君之心見諸
詞色所以用爾自用之後爾能盡心竭力爲國爲民毫
不瞻顧因而遂取重於朕斯豈年羹堯所能爲政耶我

君臣之間若有一物間隔二人皆減價矣年羹堯既不
能於李紱田文鏡諾岷等爲禍又焉能於爾作福近有
人奏爾餽送年羹堯禮物過厚又覓二女子相贈之說
朕實不信想斷無此事但念卿事朕如此忠誠與朕如
此契合朕凡有言何忍隱而不宣至卿向日與年羹堯
之交往曾經奉有諭旨朕亦不怪今年羹堯旣見疑於
朕故明白諭卿以便與之疎淡宜漸漸遠之不必令伊
知覺年羹堯奏稱俞兆晟在京招搖多事頗不利於卿
云云此一節自當面諭俞兆晟轉以諭卿總之朕之待
卿一字不瞞卿亦當惟命是從赤心奉戴爲是諸王大

臣中秉公爲國家愛惜人材者惟怡親王一人卿倘有不便達朕瑣屑之隱情怡親王儘能照拂並可爲卿周全卿何不樂爲此不擔干係之坦途耶大笑書此特諭

雍正二年十一月二十二日直隸總督臣李維鈞

奏謹

奏爲密奏事竊蒙

皇上批回摺子臣恭捧跪讀不禁感極涕零臣荷

聖諭敢不瀝陳微悃臣前

陛見時在

乾清門年羹堯傳聞

旨宋師曾虧空清完卽具摺來欽此臣旋蒙

召見當卽面奏隨荷

上諭宋師曾虧空完日一面具題一面摺奏欽此臣於

回署後據報全完是以繕摺先行奏

聞然所交銀兩須俟守道鹽法道彙查詳覆方可具

題臣已於摺內聲明至臣身受逾格

弘恩已出分外更何敢爲他人懇求今蒙

錯會朕意矣若係卿意朕必開恩何惶悚之有

硃批臣益惶悚靡寧矣伏念臣一介孤踪蒙

皇上簡任巡撫今又

特授總督加銜兵部尚書

賜祭賜廕榮寵非常內外臣工未有如臣之受

恩深重若以年羹堯之薦或蒙

和晉臣益階斷無有如此相遇之隆者臣知之甚明實

恩未曾感恩於私室也十月內年羹堯過保定問臣

有何舊蹟隨將所有法書三冊畫幅四軸送看彼

聞然即取去三件亦非臣有心餽遺此外實無他物臣

蒙

皇上恩榮已至更何所求更何所畏且心頗向上何肯
朕前諭即謂斷無之事不過出於小人毀謗之口耳

臣覓二女子餽送作此醜行爲世笑罵也臣數次入
旨朝所見諸王大臣實惟怡親王公忠爲

國愛惜人材見臣孤立極加知愛然臣未敢親近逮荷

恩諭往來共輸赤心互相敬重亦從未私結恩好以圖倚仗而於他人更可知矣臣於初五日面

奏臣之居官爲人

卿之心行何待朕再看也

皇上再看臣二三年則臣之心跡品行可見今蒙

恩遇愛護至於此極若懷有二心則犬豕不如將臣罪暴之天下亦覺尚有餘辜矣臣之私心惟願大小臣子一心事

主倘心有不純雖素相交往亦必嚴絕矧蒙

特諭令臣漸漸遠之臣自祇遵理當如是卿之慎密朕所悉並不敢一字洩露但奉
知旨料理地方事宜措之行爲同城中有心腹探聽豈能
聽不妨終祕臣尚有欸欸愚忱摺奏難盡於封印後必當
再請

陛見披肝露膽於

聖主之前庶臣之隱情可以少達伏祈

睿鑒謹

奏

朕意大概諭俞兆晟前來傳諭於卿封印後不必來京
朕諭明白剴切卿但知之至於卿所有難盡之忱朕皆

洞悉又何必多此一番形跡耶

雍正二年十二月初六日直隸總督臣李維鈞謹
奏爲續報得雪事竊保定郡城於十一月二十八日
聖恩得有瑞雪緣由經臣具摺奏

聞今據各屬陸續呈報前來查順天府屬州縣衛十一
月二十五六八等日得雪一二三寸不等保河正
順廣五府所屬州縣衛十一月二十八日得雪一
二三寸不等宣化府屬各州縣十一月二十五日
得雪五六寸不等直隸冀趙深晉定五州并所屬
各縣十一月二十八日得雪一二寸不等似此瑞

雪普降預兆豐年之慶理合繕摺陳明謹

奏

閩省得雪莫非吾民之幸但慮微少不足以滋潤二麥
朕連日仰瞻雲氣正爾希望未已

雍正二年十二月十一日直隸總督臣李維鈞謹

奏爲恭懇

聖恩請留賢員事竊臣叨膺重任惟賴一二屬僚同心

協力以圖報効巡道常德壽才守兼優實資助理

前經具摺保薦懇

恩仍以陞銜留任今常德壽叨沐

特恩陞授江西布政使浦文焯陞補常德壽員缺我
皇上知人善任固將使賢員分佈共襄

至治惟念

畿輔重地尤在得人見今守道桑成鼎亦經陞任所
遺員缺蒙

恩簡用自必賢良之選臣何敢置喙但常德壽任直年
餘事皆熟悉而臣又知之甚深且守巡二道缺已
荷

特旨改陞藩臬兩司衙門員缺相當臣不揣冒昧仰懇
聖恩將常德壽調補直隸布政使則駕輕就熟察核必

殊批諭旨

全七

李維鈞

聖恩清實有裨於吏治民生臣謹具摺陳謝
奏懇伏祈臬兩司衙門員外郎當司不誥旨
皇上允臣所請臣無任惶悚待

命之至謹臣燕燕而臣又臣其臣且臣二臣日

恩奏用自必臣之臣何臣置臣常臣升臣直臣

羅密較之常德壽更好雖未經外任其人品操守俱優
且老成持重汝臣見即知矣日今須汝推誠提挈逮一
半載間事務練習之後是一超羣出衆之布政司也

皇上雍正三年正月十三日直隸總督臣李維鈞謹

奏為恭報雨雪事竊上年冬雪甚微麥田未潤臣與

各屬員方共殷憂茲於正月十二日申時起至戌時止普降膏雨入土三寸自亥時起至十三日午時止復得大雪積地六寸四野均沾萬民歡悅皆由我

皇上仁慈育物誠敬格

天所以上感

穹蒼下沛膏澤豐年之象可以預必理合繕摺先行

奏

聞謹

奏

硃批諭旨

笑

李維鈞

真爲可喜可慶朕惟以手加額感極而彌增敬慎之忱
前於爾陞見時朕曾向爾言看節氣光景正月內必有
應時雨雪矧值

祈穀大典之期膏澤普降更見
上蒼昭示賜禧之象朕仰瞻間寅畏之心不覺凜然此二
字我君臣共勉之

雍正三年正月十九日直隸總督臣李維鈞謹

奏爲奏

聞事竊直屬各處大道爲萬國所經由每遇夏伏或天
雨水發達者成河平者泛溢行人病涉而畎畝亦

被淹害再四籌度莫若於大路左右開溝二條寬
深各一丈以備蓄洩則田土行役均受其利臣擬
於二三兩月間農工之暇撥夫給粟委員督率以
爲此舉但今距二三月爲時已迫臣雖現在具疏
題明深慮部議稽阻則行有未逮臣抄疏繕摺先行
奏

聞是否可行伏祈

皇上乾斷謹

奏

此事且勿具題朕與在廷數人商酌各議論不一乃利

害相半之事況非急務今歲不必舉行俟冬間爾來見
朕時面定可否或於近水窪下之處試開數里驗其果
否有益似乎猶可第恐新加之土一遇伏雨更致泥濘
跋涉維艱亦須預爲籌及也

雍正三年正月二十五日直隸總督臣李維鈞謹
奏爲續報雨雪事竊保定郡城於正月十二至十三
日得有雨雪經臣奏

聞今續據呈報如順天府屬於正月十二三日涿州保
定得雪七八寸東安得雪五寸餘固安文安永清
武清房山寶坻良鄉得雪二三寸又保定府屬之

雄縣得雪七寸容城安肅得雪六寸祁州慶都定興唐縣蠡縣深澤博野完縣涑水高陽得雪三四寸安州易州新城新安滿城得雪五寸又河間府屬之寧津得雪五寸河間青縣東光得雪一二寸靜海任邱得雪四寸又正定府屬之正定行唐直隸晉州深州定州及所屬之新樂得雨雪二三寸直隸趙州及深州屬之饒陽安平晉州屬之無極得雪一二寸又廣平府屬之永年邯鄲曲周雞澤得雪一二寸又宣化府屬得雪一寸其未報到之州縣及永平順德大名三府屬俟報到再行彙

奏外正在繕摺間保定郡城於本月二十三日又得

細雨入土六寸四鄉透足前於正月十三日值
祈穀大典之期普降雨雪方及一旬於二十三日復得

膏雨五風十雨預兆豐年是皆我晉國之無疆

皇上敬晉州新張文祝風多壽樂昏雨雲三旦

天勤民精，萬世無疆。五帝三王，共尊周王。

盛德之所感召也臣謹具摺奏

聞伏祈

睿鑒謹書
隸齋隸辨
字隸考
本高麗書三四

秦華總駢雲字容姬安肅駢雲六世派他奧濟宗

初春解凍遂得雨雪如此透足實爲罕遇然二麥之收穫究於麥秋後始可定耳

雍正三年二月初一日直隸總督臣李維鈞謹

奏爲奏覆事竊查保定府之定興縣知縣梁燦因稽延年羹堯奏章例應降一級調用臣於正月初二日進京路由定興沿路居民環稱梁燦勤慎愛民公籲

題留臣亦素知其稱職是以懇求

皇上將梁燦降一級留任而不知吏部議處已於上年十二月二十二日奉

旨依議欽遵在案所以臣准部咨不敢再有瀆

皇奏今接內閣學士臣吳士玉信蒙

皇上令臣將保留之知縣覆奏伏念

皇上日有萬幾宵旰不遑臣所奏留僅一縣令乃蒙

念及臣奏

特命吳士玉傳問臣謹據實具摺

奏覆伏祈

睿鑒謹

奏

不但縣令之職宰制百里生民所繫理宜鄭重卽動靜

食息之間朕未嘗不孜孜以勤慎自勉也

同日又

奏爲敬抒愚悃仰祈

聖鑒事竊臣蒙

皇上恩遇信任優渥已極感激彌深報効無地苟知識所及敢不披誠入

告如舅舅隆科多大將軍年羹堯過失多端疊頒上諭固已昭示天下然不卽加罪者誠我

皇上恩同覆載布廣大之仁欲使其聞而知悔悔而知改仍保全其始終也但臣恐二人不悟罔知改悔

硃批諭旨

左

李維鈞

奏欽奉

硃批仰見

聖慮周詳臣何敢冒昧通行敬遵特縣督里李聯良
聖諭先試行之臣就近在清苑安肅滿城三縣地方親
往察看形勢每遇鄉民詢以路傍開溝僉云若一
開通不獨利於行旅地土可免被水之患臣卽面
曉官民次日興工而鄉民趨事不召自至今已開
通數十里每夫一名給米一升錢十五文資其口
食民尤鼓舞今定興慶都二縣亦踵而行之矣竊
計三月十五日以前東作未興可以推廣行之如

有未妥之處卽當暫停俟秋收後再爲酌行查自
良鄉縣至邯鄲縣計一千二百里自涿州至景州
計六百里合算兩傍里數共三千六百里應給工
食約用米三萬餘石約用銀一萬六七千兩查雍正
二年捐貯社倉穀有五萬餘石伏懇
聖恩將此項穀石動支給發所需之銀容臣在前

奏准公費五萬兩內支用此事臣蓄志十年未得舉
行今蒙

皇上命臣試行不料民情踴躍如此至直隸地形每多
路卑而地高一經大雨官路成河行人甚苦今開

溝新填之土卽有泥濘亦無甚礙況目下天氣晴
皇土和見在所填之土已乾燥易行可無土塵
聖慮也臣爲地方起見不揣冒昧再行瀆請伏祈

睿鑒俞允臣不勝惶悚兢惕之至謹書奏

聖奏

開溝非不可待之事如此急遽殊屬悖謬倘有人以干
礙風水之罪議加於汝則朕亦不能爲汝寬貸也此事
必通盤將地之高下水之去來明白繪圖審視斟酌而
後可定豈可乘一時高興汲汲皇皇以從事乎至奏中
如有未妥之處卽當暫停是何言歟汝甘爲貽笑於人

之督撫朕不甘爲輕舉妄動之人主也汝於此一事之
固執大誤矣

雍正三年二月三十日直隸總督臣李維鈞謹

奏爲微臣負咎實深仰祈

聖慈矜察事竊臣猥以庸愚疊荷

聖恩高厚至極靡加而才識淺陋動多隕越路傍開溝

臣妄以爲利冒昧瀆

奏恭奉

硃批跪讀之下惶悚伏地汗浹於背蒙

皇上寬恩卽不加以重譴而

硃批諭旨

奎

李維鈞

開示明晰嗚不吐以重譴而亦無其礙況月下天
訓誨嚴切臣感懼益深尤覺無地自容今遵

諭旨已將開溝之工星行停止矣但臣之輕舉妄作咎

實難辭謹負罪瀝情繕摺具

奏伏祈至鑒而大端對國體多則然欲對開
皇上睿鑒矜全臣無任惶恐戰慄之至謹

奏

大抵行爲不宜過偏貴乎執中卽報効之心亦然朕並
不謂此事不當行但未洞悉其情形且非不可緩之事
何必如此輕率急遽所以有前此之諭今旣經停止俟

冬間爾來見朕時備悉敷陳可也此時預將沿途地之高下水之去來勘明繪圖進呈朕覽明庶便酌定

雍正三年三月初七日直隸總督臣李維鈞謹

奏爲恭謝

天恩事竊臣接鹽臣莽鵠立來書以臣清貧將舊有鹽規與衆商酌議願歲輸銀八千兩與臣養廉已具摺奏奉

旨俞允通知到臣伏念兩年食用皆從前所積之宦資一絲一粟何莫非

天家之膏澤且此項鹽規臣前已

奏明裁革茲重荷鹽賦臣前日
聖慈允鹽臣所請臣何人斯乃蒙
皇上參養弘恩至於此極臣感戴日深報稱愈難矣謹

繕摺奉

奏謝伏祈商酒諸卿寬餉賒八十兩與臣養廉日具
睿鑒謹
奏為恭摺

此係爾應得之項且匿情務名朕最不喜不但此一項
舉凡分內所應得者不妨取之留為公用身為一省總
領賞勞之費亦所必需何庸矯廉與事無濟朕生平所

取惟在適中得當而已

同日又

奏爲奏明事竊開溝非不可緩之事而臣輕舉妄作
負咎實深乃蒙

聖慈矜恕

指示諄切臣惟恪遵

諭旨將地之高下水之去來明白繪圖但臣未能徧歷
察看委霸州知州遂選自良鄉縣南至景州自涿
州西至邯鄲縣逐一相度備細繪圖到日恭呈

御覽伏候

硃批諭旨

奎

李維鈞

聖裁再古北宣化天津三提鎮營伍軍實提鎮諸臣各有整飭專責但臣蒙

特恩統轄將弁兵目尚未簡閱臣於正月內面覲天顏曾經奏明於公務之暇次第巡查今臣於三月十日由河間天津通州涿州各鎮協逐處考察古宣二處容臣於秋間徧往巡查至臣往通涿二協道路所經密邇

京師

臣戀

主情深必欲詣

闕請

安恭聆雨聞麥滋禾不啻甘霖靖臣無任依戀待
聖訓則有所遵守可免隕越

命之至謹

奏

前陛見未久目下不必來京卽通州亦宜俟秋冬之際
一路順便察看爾於冬初巡查至京之日適當朕謁
陵之時方爲一舉兩便不然仍分爲二事矣辦理地方諸
務亦屬緊要何必僕僕於道路耶

雍正三年三月十五日直隸總督臣李維鈞謹

聖奏爲雨澤及時恭慰

硃批諭旨

奏

李維鈞

聖懷事竊查直省自正月得過透雨麥田滋潤二月至
今未降雨澤麥已將花秋禾盡種望雨頗殷今臣
於三月十四日路過大城文安霸州靜海等處自
卯時起至申時止得雨三四寸不等詢之鄉民僉
云雨雖不多已可接濕麥可全收秋種亦必茂發
矣且此日同雲四布得雨必廣此皆我
皇上愛民誠切實默感乎

上蒼每值望雨之候甘霖爲之立沛也爲此謹

聖奏

暮春時雨潤麥滋禾不啻甘露誠可欣幸朕觀景象此

日之雨大槩寬廣北數省必獲均沾膏澤也

雍正三年三月二十五日直隸總督臣李維鈞謹
奏爲奏覆事竊查文安大城兩縣交界之艾頭莊至
灘里村等處被水地方經都統額爾金奏請挑河
築堤奉

旨前往查丈之日會同總督勘明詳議具奏欽此戶部
咨行到臣臣欽遵於本年三月十五日會同額爾
金并率同子牙河分司蘇瞻霸昌道卞之銰文安
大城兩縣勘得子牙河堤東有艾頭莊莊前有一
支河長二十餘里濶四五六七丈不等其河南抵

子牙河大堤北通淀河水大之年淀河之水灌入
支河河邊共十九村莊往往被淹臣等會商於艾
頭莊前築一小堰攔截淀水不入支河則可保衛
十九村莊而艾頭莊之百姓又以東北風大則淀
河之水勢直衝艾頭莊若將支河口子堵截則艾
頭莊之受害比十九村爲更甚臣細觀水勢其言
非謬因從支河口泝流而南地名張毘口向有民
堰一道高出水面二尺其址猶存係前人修築成
規臣等擬於張毘口照舊堰基址築堰一道仍高
水面二尺則水小之年十九村可以保守水大之

年艾頭莊亦不獨受衝激矣臣謹遵

旨會同勘明詳議具

奏伏候

聖裁謹

奏

爾遵旨親詣會勘仰體朕意自必周詳合宜卽照所議
行

同日又

奏爲續報雨澤事竊臣於三月十四日在路得雨當
經具摺恭

奏在案今續據各屬呈報前來查東安保定武清易
涿州新安涑水蔚縣延慶懷來九州縣各得雨三四
寸不等房山清苑安肅正定四縣各得雨三寸昌
平通州涿州良鄉定興深澤雄縣蠡縣新城河間
東光寧津故城定州藁城獲鹿武邑栢鄉延慶十
奏九州縣衛各得雨一二寸不等又據清苑縣呈報
三月二十日至二十一日得雨二寸再此兩日涿
州易州三河三州縣各得雨三寸通州得雨霑足
定興滿城容城涑水高陽博野唐縣安肅八縣各
得雨二三寸及一二寸不等除未到各屬俟報到

奏外所有續報得雨之州縣衛合再繕摺奏

聞謹

奏

昨於十九日京中得雨是日雲氣濃郁光景雨澤必廣
不料竟未遠被殊爲意想之所不到頃聞河南頗覺亢
旱朕甚憂之大約南四府雨亦不甚霑足也

雍正三年四月十七日直隸總督臣李維鈞謹

奏爲奏

聞事竊直屬雨澤永平宣化二府屬及京東各州縣俱

硃批諭旨

頁

李維鈞

間事已霑足保定河間三府屬雖屢得雨尚屬不敷南

奏四府雨澤甚少以致上厓

宸衷今大名府屬之南樂內黃開州滑縣東明長垣等

旱汎六州縣據報於四月初三日各得雨二三寸不等

不悞正定順德廣平三府屬亦有得微雨者總未霑足

臣日夜兢惕虔誠祈禱十一十二兩日僅得微雨

奏二次是臣奉職無狀何能感格伏念我

皇上體易州三河三州縣各得雨三寸通州得雨霑足

天之心勤求民瘼省刑減賦賑濟蠲租再霽暨奏八縣各

仁恩廣被日致寸及一二寸不等除未到各屬俟報到

天庥是以山西河南兩省荷
聖主默禱甘霖立沛臣惟仰賴
皇上德孚

天心福庇生民自必甘霖大沛也臣不勝惶悚感惕之至

謹

奏

去年朕之政事常恐不逮爾之治績今歲爾之治績遠
不逮朕之政事矣所以

上天垂戒昭著此亦顯然可見者也慎之

發來二摺秉公回奏

硃批諭旨

頁

李維鈞

雍正三年四月二十一日直隸總督臣李維鈞謹

奏爲

天恩彌厚臣咎愈深仰祈

睿慈事竊臣蒙

皇上批回摺子臣跪讀之下惶懼失措感激難名伏惟

我

皇上之聖明猶勵精圖治宵旰不遑事無大小盡善盡

皇上美臣下縱竭精神材力豈能仰補於萬一正猶

天之不可階而升也臣以庸愚兩年以來幸免隕越皆荷

聖訓指示今年辦事雖不敢懈弛而識力闇陋多蹈愆

尤乃蒙

皇上不卽加以重譴諄諄

訓勉雖

天地之生成父母之顧復無此

慈覆臣惟有益矢忠誠以圖少答

皇恩於萬一再蒙

皇上發來二摺容臣細查確實秉公

奏覆斷不敢曲徇情私伏祈

睿鑒謹

奏

硃批諭旨

三

李維鈞

觀爾一切章奏文情口氣甚與年羹堯相仿總緣爾等
字蹟往復稠疊彼此熟習之故耳朕每諭毋務虛詐爾
竟不能領畧猶爲此種浮泛套語朕深不取也

雍正三年五月初一日直隸總督臣李維鈞謹

奏爲續報雨澤事竊直屬雨澤據各屬呈報前來查
四月廿七日香河西寧得雨三寸五分二十三
等日昌平阜平得雨霑足宣化得雨五寸保安順
義懷柔得雨霑足新河唐山栢鄉得雨一二寸宛
平大興得雨五分二十三至二十五日蔚縣得雨
尺許隆平內邱得雨四寸深州得雨霑足臨城邢

臺滄州趙州武邑任縣沙河南和得雨一二寸臣
查各屬得雨透足者已多尚有未透足之處惟保
定河間兩府有數州縣衛雨澤更稀臣見在遵漢
儒董仲舒春秋繁露祈雨之法虔誠祈禱除各屬
再有報到另

奏外理合將得雨地方具摺奏

聞謹

奏

覽奏因檢春秋繁露細閱其祈雨之法朕意似此皆可
不必蓋獲罪於

硃批諭旨

三

李維鈞

天無所禱也大凡地方水旱沴不虛生或朕朝政闕遺或爾等封疆大吏治理紕繆或小民習尚澆漓之所致消弭之道當應之以實不應之以文惟返躬修省克已改過然後齋肅籲懇則

天人交感之際潛孚默契有如響之應聲但庸愚視爲杳渺無憑耳朕卽位以來凡有所禱從未命僧道之流設壇作法祇令其諷誦經典代達一疏文而已朕嚴恭寅畏敬天所聞而不敢違亂禱雨暘暵與風日具在數萬天之心無時敢懈至於鬼神之道體物不遺第宜敬而遠之固不可輕忽亦不可溺信而涉於諛瀆茲亟應省察

吏治檢點刑名其有關於國政者奏聞於朕我君臣期共懋勉以恭迓

天庥可也

聞高鑛近甚怠惰諸事不理詞訟皆批發該州未知確否細加體訪奏聞

同日又

奏爲奏明事竊臣受

恩深重惟有實心報

主凡蒙

聖諭凜奉恪遵但識見愚陋常多未能領畧是以所具

硃批諭旨

夏

李維鈞

聖諭章奏雖意出真誠而敷陳不達文情口氣實非學
士八年羹堯而與之相仿也臣與年羹堯於康熙六十
恩親年在順德途中始相認識以後通問歲不過一二
奏次自蒙

恩旨臣遂與年羹堯相絕並無字蹟往復雖年羹堯恨
臣日深然臣既知年羹堯不純若仍與來往則臣
心亦有不純矣矧蒙皇上知遇之隆更何求於年羹堯而尚敢依回以蹈欺
天之大罪也謹陳愚悃伏祈

睿鑒謹

奏

據奏與年羹堯通問歲不過一二次是何言歟西安總督官廳內未有隔五日不見直督李維鈞之介使此衆目昭彰之事何可強辯觀爾今日猶左遮右揜則從前改悔之說盡屬虛詞人非聖賢孰能無過果能奮然易轍不少依回則可謂勇於自新者若仍如此巧言粉飾暗留地步以狡獪爲得計以隱蔽爲深謀恐一旦發覺則有心之罪無辭可遁也如欲盡釋朕疑須挺身與年羹堯作對盡情攻訐暴其奸蹟與天下人知使年羹堯恨爾如讐則不辯自明矣此又在爾之樂爲與否設與

年羹堯通同相約做成假象以圖眩惑耳目斷不能逃
朕之鑒察也爾其思之其被寵與天下人朕於平羹堯

雍正三年五月初十日直隸總督臣李維鈞謹平

奏爲密陳實情事竊臣受我

皇上重恩內外臣工莫可企及報効微忱雖赴湯蹈火

亦所不懼豈以朋友私情而反有所顧惜依回實

緣秦中情事未知確切不敢以虛泛之語冒昧効

參今就臣所知聞者繕就參本已於初十日拜發

伏祈

皇上恕臣從前愚昧俾臣得盡心料理地方爲

聖世無虧之人臣不勝榮幸歡洽之至謹

奏

汝不盡心力亦不過如年羹堯棄之不用而已朕歷觀四十餘年內外臣工中出類拔萃堪爲柱石之材者良不易得卽以年羹堯而論初何嘗不以人材目之今一旦敗露至於如此川陝之遺害無窮兵民之怨恨切骨較之蘇克濟李樹德常鼐滿丕等不啻倍蓰國家亦安用此輩爲哉汝祇爲一身利害計則可若言經朕躬信用倚任之人卽當爲無虧之全臣堯時尚有四凶斯豈朕所能耶但不爲奸徒之愚惑或可勉強一二耳大抵

人之有過如身之有疾以痛改爲藥惟須真切方收實效若以機械變詐爲良醫恐疾愈深而害愈大也慎之慎之叅本到時朕覽訖自洞徹汝之肺腑也

雍正三年五月十四日直隸總督臣李維鈞謹

奏爲恭報約計二麥收成分數事竊查今歲

畿北地方二麥頗稱暢茂而

畿南各府自入夏以來雨澤稀少收成不無減薄茲

據各道府并直隸五州將二麥約收分數陸續呈奏報前來查順天府屬收成約有十分至六分不等

永平府屬收成約有九分至六分不等保定府屬

收成約有十分至五六分不等河間府屬收成約有九分至五六分不等正定府屬并直隸五州所屬收成內窪地約有九分至五六分不等高地約有七分至三四分不等順德府屬收成內窪地約有八分至六分不等高地約有六分五分不等廣平府屬收成內窪地約有六分五分不等高地約有五分至三分不等大名府屬收成內窪地約有五六分不等高地約有三四分不等宣化府屬收成約有九分至七分不等所有各屬報到二麥收成約計分數臣謹具摺陳明謹

奏
所奏麥收分數不實大有損有餘補不足潤色豐年情
景

雍正三年五月十七日直隸總督臣李維鈞謹

奏爲遵

旨秉公回奏事竊臣蒙

皇上發交密摺令臣秉公回奏臣遵將薊州知州李英
劣蹟逐一密加細訪雖非盡無因然或屬全虛或
屬已甚如李英果係貪劣害民斷不敢因從前曾
經保薦有所徇隱今查李英雖於職守不無瑕疵

而猶與百姓相安且地當孔道應付差使頗能料理無誤倘蒙

聖恩寬容臣當再行嚴飭限以三月奮勵自新觀其後效若仍因循臣卽據實指叅可否如是伏祈

皇上批示遵行謹

奏

此人斷然不可姑留近又聞伊行賄於蕭永藻松阿延銀各一千兩爲更換交糧斗斛兵丁甚怨且此事看守陵寢之大人正在游移未定爾若不能得其實蹟朕卽降旨提拏發部究審也

雍正三年五月二十二日直隸總督臣李維鈞謹
奏爲奏

聞事竊據霸昌道卞之銰昌平州知州梁永佑等呈稱
領兵駐防阿爾泰將軍木克登行文知照二十四
日起程於二十三日先有伊哈二姓到沙河勒索
不遂打搶草束木克登到時仍不約束一任衆兵
搶草旣搶之後又照正數折價二十五日不宿正
站副都統花姓駐宿昌平之舊縣打搶草束折取
重價甚於沙河再於二十三日搶草拏獲富倫布
等共四人問明搶草是實當有隨營兵部石姓等

三人勸放不允隨稟知木克登反云擅拏伊人叫
隨營兵部審取管草老人人口供勒將口供改爲買
草被拏要老人李國正甘結而去等情所有木克
登領兵經過地方騷擾不堪臣謹具摺密奏伏祈
睿鑒謹

奏

此奏直陳無隱殊屬可嘉紀律不嚴何以主兵已交部
嚴察議奏矣

雍正三年六月初一日直隸總督臣李維鈞謹

奏爲謹抒下情仰祈

睿鑒事竊臣與年羹堯向屬交好蒙

皇上硃批令臣漸漸遠之臣恪遵

諭旨遂與疎遠惟於歲杪趙弘燮繼子由保定赴西安

臣順寄一書亦候問常語自今年正月以至於今

實無一字一人來往臣內問諸心斷不敢自負欺

凡辯者辯已之無過也既自謂無過安望其能改總之

天之罪也輾轉思維祇有臣之胞姪李宗渭在年羹堯

爾若不使年羹堯痛恨朕疑斷不能解陸續奏朕心

釋然時自有明諭何庸喋喋巧辭為耶

年羹堯之門形跡疑似臣之不與年羹堯往來誠

難取信或指臣姪暗中來往亦未可定今幸蒙

皇上開恩已不罪臣然臣猶日夜悚惕況年羹堯雖經

何能逃朕之範圍

離任而舊日從事之人未必盡斷其門卽臣姪亦

如此則不肖子也未能獨遠臣於正月內欲叫臣姪來保曾經面

奏蒙

叫回形迹雖朕疑究不能釋正欲令伊隨之聖諭不必是以未卽叫回今欲叫回以絕形跡之疑似

謹披誠瀆

奏伏祈

皇上睿鑒謹

奏

目下之不罪汝者因汝前日之叅奏也但年羹堯在保之事豈此一叅之所能盡而汝之所聞所見又豈止此

數事而已不加罪之旨汝雖數次摺奏朕未曾批示一字正看汝將來之續叅如何今年羹堯痛恨以釋朕杯中蛇影也朕既經屢頒諭旨豈肯食言在汝等自爲之耳若必不然以汝輩投畀有北將見朝野肅清矣今將年羹堯之非人口所出之奏摺發來汝看殊爲可笑可愧之極

雍正三年六月初六日直隸總督臣李維鈞謹

奏爲續報雨澤事竊臣據各屬陸續呈報除得微雨者不敢繁敘外查五月二十一日龍門縣萬全縣各得雨五寸二十四日遷安縣得雨霑足香河縣

得雨五寸餘梁城所得雨五寸薊州得雨三寸東
光縣得雨一寸二十六日盧龍縣得雨五寸遵化
州豐潤縣各得雨四寸三河縣得雨二寸肥鄉縣
永年縣邯鄲縣各得雨一寸二十七日曲陽縣得
雨二寸六月初二日東光縣得雨七寸武邑縣內
邱縣各得雨三寸隆平縣唐山縣各得雨二寸初
二初三兩日南宮縣得雨四寸良鄉縣得雨一寸
餘衡水縣得雨霑足寧津縣得雨六寸吳橋縣得
雨五寸冀州棗強縣各得雨三寸初四日易州得
雨二寸正在繕摺間保定府城於初六日自丑時

起至辰時甘霖大沛四野霑足秋禾暢茂農民歡

頌除俟別屬報到另行彙

奏外所有各屬續報雨澤緣由理合繕摺陳明謹

奏

此後不必報雨目今大雨時行之際但慮太過耳

雍正三年六月二十六日直隸總督臣李維鈞謹

奏爲敬陳管見仰祈

睿鑒事竊查河南漕運每因衛河淺阻到運遲緩以致

上厓

宸衷伏閱邸抄特蒙

聖諭令直隸大名府屬之濬縣滑縣內黃縣改隸河南
之衛輝彰德二府俾河南運道得專責成法至善
也第臣遠稽往制近按衛河若河南糧艘兌運仍
循舊次似屬利便臣謹爲我

皇上陳之查河南兌糧水次自元明以至

本朝俱在直隸大名府元城縣之小灘鎮糧船受兌
開行由小灘鎮歷元城之善樂營而入臨清運河
河身寬深從無淤沙淺澁之阻其路近易行糧運
無悞也自康熙三十五年間豫撫臣李國亮

題請改次衛輝相沿至今查在衛輝受兌開行至直

屬之濬縣經歷淇河噴沙老鸛嘴石崗石柱險阻

又中錯湯陰縣河道皆係流沙聚散不定建壩則
無地簽椿堅固難保脩閘則水性下刷蓄洩無資
每年漕船行至濬縣內黃縣地方募夫挑挖僱船
本剝運官民交困糧艘難行二十五年矣夫河南
皇土漕米二十五萬石在直屬採買居多且由衛輝而
入濬滑等縣以至山東臨清州路有六百餘里方
入運河其間築壩築閘挖淺剝運費盡人力而糧
艘不得速行莫若仍復小灘爲兌次直抵臨清州
路僅二百一十餘里河水深寬無阻其路之難易

遠近判然易決若慮小灘非河南所轄民或抗違
臨兌次時兩省各委道府一員同駐小灘協恭辦
理永著爲例則河南無呼應不靈之虞矣臣因漕
運重大不敢以隔省岐視曾移商河南撫臣田文
鏡未准咨覆臣仰體

聖懷敬抒管見是否可採伏祈

睿裁謹

奏

小灘開兌之說先經詳議因有難行不便之處所以中
止若將此摺交發豫撫再議諒必仍執前議不移與事

無益今既將濬滑內黃等三縣歸併豫省明歲兌漕時
自有分曉也

奏雍正三年六月二十七日直隸總督臣李維鈞謹
奏為奏覆事竊臣姪李宗渭原非奉

旨發往亦非部內揀發係臣姪自願捐駝効力在陝三
年終不議敘

題咨今西海業蒙

廟謨神算悉已蕩平似無効力之處應否仍遣其赴陝

抑軍前無可効力任其去留臣未敢擅便伏祈

皇上睿鑒批示遵行再年羹堯惡蹟臣已三疏具叅然

其貪婪之處實有未盡如趙之垣自願進銀三十萬兩發與年羹堯催完僅繳二十萬兩年羹堯代爲請豁西安人見趙之垣送年羹堯禮物每次必用皮箱數十隻不知爲何物此時趙之垣雖悔亦無及矣謹

奏

此事豈難分曉趙之垣如能知悔則轉禍爲福矣更有可笑可惡處將來發露自當曉然明白也

雍正三年七月初六日直隸總督臣李維鈞謹

間奏爲奏

硃批諭旨

夏

李維鈞

聞事竊永定河南岸第五工鹹廠大堤於本年六月二
十五日被水漫開經臣一面縣督同李繼登
奏明一面飛委理事同知噶布喇前往協幫堵築在
案今又據分司蘇敏呈報六月二十六日大雨傾
盆晝夜不止河水較前更漲南岸第一工玉皇廟
沙堤埧卸一百餘丈北岸第一工朱家營沙堤埧
卸四十餘丈幸未成患南岸第五工黃家灣大堤
漫開二十餘丈等情前來臣隨委布政司羅密前
往查明埧卸丈尺確數及有無淹損田禾村舍到

日另行摺報實存未盡收錄之處自願照賠三十

奏仍委理事同知噶布喇協幫分司同知將兩處漫
堤勒限作速堵築堅固具報外所有堤工被水漫
開緣由臣謹具摺陳明謹

奏

水患豈無故而生理應如是乃朕意內之事也

雍正三年七月十三日直隸總督臣李維鈞謹

奏爲奏

聞事竊武清大城東安文安薊州玉田六州縣被水並
固安永清二縣因永定河南岸第五工大堤漫開
田禾被淹各緣由經臣先後

硃批諭旨

翼

李維鈞

奏明在案今據霸昌道卞之鑰呈據霸州知州遂選
申報本年六月初六至二十九等日陰雨連綿以
間事致永定琉璃高陽玉帶等河泛漲平地水深七八
奏尺三四尺不等田禾淹沒房舍坍塌等情又據河
間府屬之任邱縣知縣袁圻申報六月二十九日
水患高陽縣蠡螭口之南寇家墳廢堤漫開任邑地接
奏下流尚書等村莊淹沒田禾等情又據通永道高
鑛呈據寶坻縣知縣吳祖留申報六月二十五等
日大雨滂沱民堤被衝田禾淹沒并梁城所亦因
奏陰雨連綿田禾被淹等情各報前來臣隨卽分飭

皇布政司委員前往會同該地方官將被水村莊輕重情形細查確實并令加意撫恤其被漫處所飭令該州縣上緊堵築完固外合將被水緣由具摺陳明謹

奏

從來乖氣致異朕固知畿內今歲必至於如是也
天道不爽殊可凜懼

同日又

奏爲奉

旨發審人犯事竊薊州民馮兆隆等四百餘人在

硃批諭旨

三

李維鈞

旨皇城內保留薊州知州奉

旨將爲首之馮兆隆等二十五人拏送本省總督或有

受人賄囑情弊著總督審明欽此臣遵將解到人犯

發布按二司訊取確供詳解去後茲據布政司羅

密按察司浦文焯審據各犯僉供叅革知州李英

奏平日催徵錢糧審理詞訟不曾輕易責打愚民感

其小惠一聞叅革摘印卽羣向通永道懇其轉詳

保留繼知不能轉達恐來官不及李牧復赴京城

籲留誤入查叅實并合職意無庸其叅與復

皇城干犯法紀實無受人賄囑等情律擬解審前來

臣復親加研審各供無異臣查李英居官實多踰閑但平日頗以小惠愚人耳目故鄉民聞其摘印卽向通永道籲留實無賄囑情由因通永道不能轉達旋赴京具呈實出一時愚見惟是各犯不安分守業擅入

皇城保留不便照律止杖一百應將名列呈首之馮兆隆做呈詞之陳琯挺身遞呈之楊建勲均杖一百折責四十板仍枷號一箇月楊建勲年老收贖其餘劉天榮等二十二名與未拏獲之衆人可否仰邀

皇仁槩從寬典分別責儆臣未敢擅便伏候

聖裁批示遵行謹

奏

高鑛既不爲之轉詳卽應曉諭令各散歸今反指使一起無知愚頑擅入禁城向怡親王訴懇情屬可惡此事罪在高鑛當一併附叅何可寬貸也

雍正三年七月十九日直隸總督臣李維鈞謹

奏爲奏

聞事竊查直屬地方六月以來或被河水漫衍或被山水衝發報災踵至然高阜處尚屬無礙自入七月

連旬大雨低窪之地一望無涯北府高地亦多有
被淹者南府高阜地多窪下地少雖有淹損不足
爲憂皆臣奉職無狀上違

天和日夜改悔警省焦愁孔迫寢食不寧頭暈心悸計無
所出臣已委幹員分往撫恤其如車馬難行咸阻
中途俟稍可舉步臣卽督令星馳前往協同地方
官逐一查明分頭料理其乏食窮民萬難坐視或
散銀錢或給米穀先行撫恤若循例查明始行
奏請必需月日恐被水之民難免失所非所以仰體
皇上愛養元元至意其被水最重地方容查覆到日臣

皇上當分行撫恤伏祈慈水疑重此式容查覈匪日
睿鑒謹必需民日恐慈水之只難矣夫祖非祖以明

奏請賑發短餘米疑失行撫恤若前同查即故行

乏食災黎曷可令其枵腹一面速為賑恤一面確查明

白再行題奏餘可舉世日頃督令呈報前式同此式

同日又日委官員各各撫恤其收車馬糶行知用

味奏為奏請賑發短餘米疑失行撫恤若前同查即故行

聞事竊保定郡城年羹堯房屋係去夏所置其貲財係

今年二月四月內從西安運來者臣同布按二司

并府廳縣各官親往嚴查逐細檢點今查出鎖子

甲二十八身密針箭頭四千根盛四箇并銀兩金銀器皿紗緞紬疋玉器磁器銅器字畫什物等項俱加封固又定州房屋內查出什物器皿亦皆封固臣先具摺

奏明至細數冊容各屬查覆到日一併分晰同田房數目彙造伏祈

皇上睿鑒臣思年羹堯家貲鉅富狡兔三窟今檢其物件除現銀五萬一千四百兩外其餘紗緞古董等物約值銀十萬餘兩並無貴重之物可見藏匿他處甚多也謹

奏

爲年羹堯爾將來仍恐不能保全首領也

雍正三年七月二十六日直隸總督臣李維鈞謹

奏爲奏明思平羹堯案費驗富郊東三窟今餘其

聞事竊查永定河南北兩岸及武清運河等處堤工衝

奏漫各緣由經臣先後查覈歷日一併令湖同田吳

奏明在案今又據文安縣知縣楊楠申報七月初七

聞事八等日大雨如注將縣屬清河堤工崔家房迤東

漫溢三十餘丈左家莊迤西漫溢四十餘丈等情

又據霸州知州逮選申報所屬清河堤工七月初

七日將趙哥莊以至高橋堤工間斷漫溢二百四十餘丈等情又據東光縣知縣李文淑申報所屬運河穆家口河堤漫溢十七丈有餘等情又據香河縣知縣周世儀申報所屬運河秦家房之堤工漫溢十九丈零二百戶堤工漫溢七十餘丈已經報明

欽差監督現在分頭搶護等情各申報前來臣隨卽飛飭各該州縣印河各官將漫溢堤工上緊搶護堵築堅固俟詳報到日另爲摺

奏外所有四州縣申報清運兩河堤岸被漫緣由理

奏合具摺陳明謹申辨肅戰兩河災輒祈恩絲由聖
奏

人事乖戾無形之感也災異譴告有形之應也有無形
之感然後致有形之應斯言洵不誣矣前來引訓唱派

雍正三年七月二十九日直隸總督臣李維鈞謹

奏爲奏

奏爲奏

聞事竊今年六七兩月雨水過多北府被水州縣如霸
州文安東安大城永清固安武清薊州玉田寶坻
及裁併之梁城所與任邱等十二州縣所被水情
形臣已先後奏以至高懸災工間憫災益二百四

聞續據呈報香河豐潤保定安州新安獻縣青縣景州
南皮東光寧津天津慶雲交河滄州鹽山靜海肅
寧及津軍廳葦漁課共一十九州縣廳以上共計
三十一州縣廳所房屋坍塌田禾淹損旣難餉口
更虞流離蒙

皇上軫恤民瘼

特諭速行賑濟臣欽遵卽飛行賑濟一月計每州縣被
水村莊之多寡確查實係貧民按口給食每日大
口給米三合小口給米二合俟此一月賑完查明
戶口確數臣再

題請續賑外再三十一州縣廳所錢糧伏祈

皇上特頒米三合小口餘米二合計此一民賑宗查照
諭旨緩至雍正四年麥收後徵輸則對口餘食每日大
皇仁浩蕩尤永被無疆矣謹計賑濟一民旨每州縣
皇奏傳聞又奏七月二十九日直隸總督臣李維鈞謹
朕憫惻畿內黎庶被災已特諭賑恤矣至於題請緩徵
乃汝職分中事有成例可循所請倘與例不符自有一
定處分朕何所據而特頒緩徵諭旨耶

雍正三年八月初四日直隸總督臣李維鈞謹

奏為懇乞 查照豐聞於災受州縣安撫賑濟青縣景州

聖恩慈覆矜全事竊臣查年羹堯貲財具摺奏

聞恭奉

硃批臣跪讀之下魂魄俱喪情極呼

天惟有懇求

怙冒伏念臣重以多愆負罪滋甚仰蒙

覆載屢

賜寬容如年羹堯奸逆狂悖臣民共憤臣始不察交之

於前絕之不早既深自愧恨幸蒙

聖明矜察俾臣知所改悔得以奮志自新嗣將年羹堯

罪狀屢叅實以年羹堯負

恩背義禽獸奚擇臣非特與之世結深讐并不欲與之
聖世何敢少懷怠志上干自射罪戾
天罰臣同布按二司按查年羹堯貲財何敢少存私意
況耳目昭然更何能掩飾其私藏軍器盔甲箭頭
不臣不法臣雖特疏叅劾第恐尚有隱匿現在將
天罰年羹堯家人魏之輝嚴三等臣同布按二司嚴究
貲財下落俟審明有無寄匿另摺奏

聞臣無任感愧恐懼之至謹

奏

朕本心原欲開一面之網保全爾之身命無如爾自執
迷朕亦未如之何矣總之年羹堯乃爾之禍媒也朕特
許十二人中不意有爾等負恩三人矣殊覺赧顏朕惟
愧少識人之明耳夫復何尤

恩背義禽獸奚辨非特與之世結深誓并不欲與之

並生

聖世何敢少懷怠志上于

大罰臣同布按二司按查年莫竟貴財何敢少存私意

況耳目昭然更何能掩飾其私藏軍器監甲箭頭

不臣不法臣雖特疏奏劾第恐尚有隱匿現在將

卹小藩人等即在此案內共三等臣同布按二司嚴究

荷十三人中某意澤爾善賢恩三人突撥覺賊賄州

數類亦未賊以神矣縣之革美盡以爾之斷然也類

類奉必風解開一面之臨計全爾之良命無收爾自燁





